

NGIMBA U MBEPO MWIKEMO

ĀPĒGIGWE KULI FIKI?



Umwe muketile, Nkundwe Neville ikwitika mu kulāmbalika pamwanya kwa maboko.

Une ngukēta une ndinago mabili ga malālūsyo. Lilino, une nisa kwēga aga kilābo nkilo, 'nongwa yakuti une ngaya na kabalilo ukukētelamo mu gēne ikilo iki kuli umwe, lumo pa Ndumi ya kilo kya bumalikisyo. Lilino, linga aligwēsa ali ni lilālūsyo pa yiliyōsa ya Ndumi, itolo lambalika agēne lōsa ikilo kimokyēne, kangī une mbagīle ukugapimba agēne mōsa nkilo ikikōnge.

² Lilino, kilabo nkilo une ngulonda ukubaga, pamo ukuya, ndigi, abalumbilili bamo, linga fyaali fyakubombigwa; linga mma, bamo abanunu, abakafu abanyāmbāla pamo abakīkūlu aba uswe tubagīle ukukōlēla akabalilo ka lufūmbwo, ukuti nkabalilo . . .

Kilabo nkilo uswe tukwānda, ukufuma pa Ndumi, uku lāmbalika pamwanya amaboko, kangī, panongwa ya Mbepo Mwikemo. Kangī polelo, kwisakuyapo i . . . Ugwe uli nālo u lusako lwāko ulwa kusyāla papapa apa linga ugwe kunyonywa, gōsa ukukīndamo amasiku ga lutūsyo, linga ikyēne kikwēga ubutali bo lula ukufwa. Kangī polelo—polelo, linga mma, linga ugwe kunyonywa ukubūka ku kāya kāko, fiki, uswe tukusangalukāga, linga ugwe ubagīle ukuya nu buyo kūko ugwe . . . Itolo ukamanya kūko kubūka . . .

Uswe tukulonda ukwega abalūmbilili bamo, imbalilo syābo, linga abēne bo bayāti; imbalilo syābo, kūko abēne bikwītūgāla, ukuti kūko uswe tubagīle ukubāga abēne palapala itolo; nukwingisya yumo mu kāya, yumo mu kannīne, kangī yumo mu kannīne, ukuti abēne bābagīle ukubapa umwe indagilo, umwe mwe mukulondesya u lusayo ulukulumba ulu lūlo uswe tukuyobelapo, u losyo lwa Mbepo Mwikemo.

³ Ikilo kya mmayolo uswe twayobaga, “iki Ikyene kyāli.” *Ngimba Mbepo Mwikemo Āli Yo Fiki?* Kangī uswe twākyāgīle Ikyēne ukuya itolo kifuki kilikyosa, iki Kyala āfingile kwa uswe. Uu-huu. Mu Kyene uswe twākyāgīle itolo iki i Kipanga kya Kyala kikufūmbwa. Uswe twākyāgīle Ikyēne ukuya kifūngilo, u Nsūbisi, ubutūsyo, kangī ubusangalufu, kangī ulutēngāno, kangī ubusyūke. Kangī fyosa ifi Kyala aafingile ku Kipanga Kyake, kilambalele nkati mwa Mbepo Mwikemo.

⁴ Kangī lilino, ikilo iki, uswe tukulonda ukulūmbilila pa, pamo ukuyoba pa, ukumanyisya pa . . . Une ndinafyo kifuki

fitatu pamo fina ifikalatasi fya sîmbo apa, pamo a Masîmbo, pa Ikyène, mu iki. . . Nkilo kyâmmayolo une nâlilekile ilyângu i Konkodansi lya Cruden lilâmbalelele apa, kangi une ngâlyêgile ilyène mma. Kangi une itolo nafimbilisigwaga ukwenda ukukinda fyosa ifi une mbagile umwisyugu na Masimbo. Lilino, kangi kilabo. . . Ikilo iki uswe tukumanyisya pa: *Ngimba Yo Fundonki Ya Kyala Ukutuma u Mbepo Mwikemo?* Ngimba Ikyene kyo kya fiki? Linga Ikyene kyo kindu ikikulumba bo ulu, polelo nongwa ya fiki Kyala âtumile Ikyene?

⁵ Polelo, kilabo nkilo uswe tukulonda ukuyoba pa: *Ngimba Ikyene kya Ugwe?* kangi *Ngimba Ugwe Kukyâga Bulebule Ikyene?* kangi *Ngimba Ugwe Kumannya Bulebule Akabalilo Kâko Ugwe Ukabîle Ikyene?*

Kangi polelo, ukufuma pâpo uswe tukumâlîsya ikyo, na Masimbo, ukulîngània ikyèni na Masîmbo, ukubômbèla a Masîmbo kuli fyôsa ifîndu, polelo bala bâbo bikundonda u Mbepo Mwikemo bisakwisa kunkyeni. Kangi une ngusûbila uluyigo lwândileko, ukufuma kabalilo kala ukubûka nkyèni, ukwêdelela nkyèni polelo na Mbepo Mwikêmo.

⁶ Lilino, ukuya ukuti kilabo nkilo bingi babagile ukwitugasya pa kabalilo ku fyûmba mu kipanga, une ngwipilika linga uswe tubagile ukubâga a balumbilili babingi na bala abându bâbo bali nu bwîsibile ukulôngosya abându ku kwâmbilila u Mbepo Mwikêmo, ukubakasya abene, ukubuka nkaya nu—nu nkikulu nu ndume gwake, pamo—pamo nu mundu yumo uyu ikundonda u Mbepo Mwikemo, uyu amanyisigwe kanunu pa isi syakubomba.

Linga umwe mubagile itolo ukupa imbalilo yâko ya fôni pamo alilêsi ku ntîmi, ikilo iki pamo kilabo nkilo. Itolo pâga ikyene kwa Nkundwe Neville, polelo ikyo kikutupokaga uswe ku kubûnganila nkati kuli u lukomano. Itolo pâga imbalilo yâko iya fôni kûko uswe tubagile ukukufikila ugwe. Kangi polelo yoba, “Ume nisa kuyaga ngapo, kangi linga uswe. . . umwe mukulônda ukumbîka une nkati nkâya kamo.” Linga ikyene yo—u nkikulu mwene, polelo uswe tubagile ukutuma unnikulu, muketile, ku nkikulu uyu. Kangi polelo, linga ikyene kili nkaya kûko aliko unnyâmbâla nu nkasi gwâke, fiki, uswe tubagile ukutuma u ndumbilili.

Kangi uswe tubagile ukuya bâkusângaluka ukuya na umwe ukupilikana, panongwa yakuti une mmenye ugwe guli, aligwesa, mwikyêlîle mu iki, kyakulondigwa ukukinda-fyosa iki. Kangi kumbukilaga, “Umwene uyu ikupoka umoyo ukufuma ku busobi bwake, akupilile i filundilo fya bonangi.” Muketile? Kangi u Nsingiligwa gwa Kristi ali ni njala nu kumilwa. Umwene ali mbubabe, ukupa ubupapigwe ku bana ba Kyala.

⁷ Kangi lilino, ikilo iki, bo uswe tukâli ukubala a Masimbo, unko uswe twinamisye imitu gyitu itolo pakabalilo ku lwiputo. Kangi itolo bo tukâli uswe ukwîpûta, umwe ni mitu gyînu

gīnamisígwe, ngimba umwe mubagile ukuya nu kusūma? Fyusya itolo ifiboko fyinu nukuyoba, “Kyala, une nubusisya ngufyusya amaboko gangu. Une ndi nu lufūmbwo. Une ngusuma ukuti Ugwe kundulaga une, O Ntwa.” Kyala abasaye aligwesa gwa umwe. Umwene ikuketa amaboko ginu. A Bandumi begile ifyakusuma fyabo pasi.

⁸ Kangi, Tāta Gwakumwanya, uswe lilino tukwisa, ukusegelela kwa Ugwe mu lwiputo. Iki, kisita kwīlāmwa ukuti u lwīpūto lutalile lutēdekígwe pakati pa bāna ba Kyala ikilo iki, mbuyo ubunini ubu, kangi nukuti inyīmbo sīmbigwe, kangi uswe tufyūsise indumbula syītu mu sekelo isyabuhobofu ku ndūfyo sya Kyala.

⁹ Davidi āyobīle umwēne ābagīle ukwīsa mu kilundilo kya bīkēmo nukutēndēka ubusūme bwāke bumanyígwe. Kangi ikilo iki, gālipo amaboko mingi. Lumo, pamo, une mbagile ukuyoba, malongo lwele mwa mia yumo ba bala aba bitugesye mu nyumba iyi ikilo iki bāfyūsise amaboko gābo kuli ubusūmo. Kikubonesya, Gwentwa, ukuti uswe tukabagila ukubuka itolo kisita Ugwe. Uswe tukufimbilisigwa ukuya na Ugwe, ilisiku ukwisila mu lisiku. Ugwe gwe Būmi bwītu, ubuhobofu bwītu, ubukafu bwītu, amaka gītu gatukyūnga, ubwīkasye bwītu, ingwāmba yītu, u kīkīngō gwītu ukufuma ku ndugu.

Kangi uswe itolo tulinkutoligwa ukulwa ubwite ubu ubwa būmi kisita Ugwe. Ikyēne āngāli kikuya kisitakubagila kuli uswe ukubōmba ikyēne, kangi uswe tukufimbilisigwa ukusūbīla pa Ugwe. Kabuno, uswe tumenye ukuti uswe tukwēnda ukwisila mu kyāngīsi kangi ikīsu ikisisya. Pa lubafu lulilōsa undugu ikututamia uswe, pa kupa ifipīngō ni fitēgo. Injila syītu, Ntwa, sibikīgwe siswīle ni fitēgo fya ndugu, ukusulumanisya uswe.

¹⁰ Kangi uswe, nūswe, ku bumalikisyo bwa nsebwe uswe tuli nalo ulutali lula, ulwamisīyūngūlu ulukubo ulu lukubilikigwa bufwe ukwēnda ukukīndamo. O Ntwa, ywani abagile ukutokolaga amaboko gītu polelo? Uswe tukulonda ukukumanya Ugwe lilino, Ntwa. Uswe tukulonda ukumanya ukuti Ugwe uli na maboko gītu, kangi uswe tuli ni kiboko Kyāko, ukuti uswe tuli nabo bula ubusisimikisya ubukimigwe ukuti akabalilo kāko uswe tukwīsa kula kukabalilo akakulumba aka bumalikisyo bwa būmi bwītu, ukuti ukwīngīla nkifigo kila ikikōleligwe bufwe, ukuti uswe tubagile ukuyoba nu mwīkemo ugwa iyolo, “Une nummenye Umwene mmaka ga busyuke Bwake, kangi une mmenye ukuti akabalilo kako Umwene ikukolela, une ngusokokaga ukufuma mbafwe.”

¹¹ Lilino, Tāta Kyala, uswe tubagīle ukusuma ukuti Ugwe kusayaga ukusuma kwītu nu kubūngana kwītu. Sayaga a Masyu Gāko. Kangi linga une mbagile ukuyoba kalikosa aka kabagiile ukuya kakindane ku Lisyu Lyako pamo ubwigane Bwako, Ugwe ukāli uli na maka ukwīgāla akanwa, mūmo Ugwe gwābōmbelāga

mu mbako ya ngalamu akabalilo kâko Danieli âlipo. Kangi uswe tukusuma, Ntwa, ukuti Ugwe kwigulaga imbulukutu ni ndumbula ikilo iki, ukuti, kangi ukupela mu bêne i njala ni kyumilwa. Bali yaga abêne bâkyûmilwa fiyo mpaka abêne bakabagila ukugona pamo ukutûsya, napamo, mpaka u Nsûbisi isile.

¹² Uswe tukwitika ukuti uswe tuli nu bumi mmasiku ga bumalikisyo, mu nsyûngûlu gwa Kwisa Kwake. Kangi ikyo kyo iki i Ndumi isi sitalulilêko, Ntwa. Ikyêne kyo kuli abându ukwegako ulupilikisyo, ukwegako ukusôka. Kangi tuli, ikilo iki, uswe itolo tulikwabilaga panja pa likalang'asa, lululu lilino, ukulilâmbalika pa lubafu lwa kikota, tukuyoba, "Ntwa Kyala, une ne kyâkwambilila kwa Ugwe. Unko Mbepo Gwâko ayefukilege ukwisila mwa une. Bûmbaga une kangi mbelaga une ukufuma ku bwîgane Bwâko. Une ngwilambikaga indumbula yangu, amaka gangu, fyosa gwângu, ku nongwa Yako."

¹³ Tupilikaga uswe, Ntwa. Uswe tukaya apa ukuti tukêtîgwe, pa kilo iki. Uswe tukaya apa itolo kuli buyo nabumo ubungi ubwakubukako. Uswe tuli apa kuli bumobwêne ubwanaloli-ndumbula, ubusisya, ubwigâne ubwîkemo mu ndumbula syîtu, uko ko, kusegelela kifuki kwa Ugwe, tumenye ukuti Ugwe ufingile linga uswe tukusegelela kifuki kwa Ugwe, Ugwe ubagile ukwisa kifuki na uswe. Kangi iyo yo nongwa uswe tuli apa. Umwene yu ikwisa ukuya ni njala atisakusôkamo ni njala. "Basayigwa bo bene aba bikuya ni njala ni kyumilwa kuli ubugolofu," alinkuyoba Yeso, "kabuno abene bisakwikutisigwaga." Kangi linga uswe tukusûma kuli u nkati, uswe tutisakwâmbilila ibwe. Uswe tuli nu busisimikisi bula. Kangi linga uswe tukusûma iswi, uswe tutisakwâmbilila i liyoka. Lôli, Kyala gwitu Tata ikutuswilaga uswe na Mâna ga Kumwanya, i Lisyu Lyake kangi u Mbepo Gwake yu abikile ubuketi bwa Umwene. Amûla inyîpûto syîtu, Ntwa, kangi ifyakusuma fyîtu, bo uswe tukukîndilîla ukugûlîla pa Ugwe. Mu Ngamu ya Yeso Kristi uswe tukusuma. Amenî.

¹⁴ Lilino, umwe mwe mukukyungaga a Masimbo aga pásî, linga umwe mubagîle ukusanuka na une kwa Mwikemo Yohani kangi, unto gwa 14. Uswe tukulonda ukwanda pa ntu gwa 14 gwa Mwikemo Yohani. Kangi unko uswe twânde kifuki ilinandi lya 14, Mwikemo Yohani 14:14, nukubala itolo akayabo ka Lisimbo ili. Lilino, mu iki ugwe kwisakwâga kingi fiyo ikya nongwa une ngulônda ukuyoba pa kilo iki.

¹⁵ Kangi kumbukilaga, umwe mwe muli nago a Mabangeli aga masimbo-makesefu, ikyene kili mbukesefu, iki kili. Ikyêne kyo Masyu aga Yeso Mwêne âyobîlepo, popâpo polelo uswe tubagîle ukutûsya nubusisimikisi ukuti ikyêne kisa itolo ukuya bo mûmo Umwêne âyobîle. "Kumwanya na pasi fisakumalikaga, loli i Lisyu Lyake litisakutoligwamo siku."

Lilino uswe twisakubala ukufuma ku linandi lya 14 ilya ntu gwa 14.

Linga umwe mwisakusuma ikindu kilikyosa mu ngamu yangu, Une nisakubombaga ikylene.

Lo lufingo luki ulusayigwa!

Linga ugwe unganile une, kyungaga ingomelesyo syangu.

Kangi Une nisakusūma u Tāta, kangi umwēne isakubapa umwe u Nsūbisi uyūngi, ukuti umwēne abagile ukwitūgāsya na umwe bwilanabwila;

Yópe u Mbepo gwa bwanaloli; yūyo i kīsu kikabagila ukwambilila, nongwa yakuti ikylene kitikumbona umwene mma, . . .

Lilino, umwe mwe mukubala ukufuma ku i Bāngéli lya kiGiriki, mubagile ukukibona ikyēne nkati muno, komma . . . Kēta kula kokuti “ukupilikisya.” “Kabuno ikīsu kikumpilikisya Umwēne mma.” Ikyo kyo kyābwanaloli fiyo. Unko une mbāle ikyēne kangi lilino.

Yópe u Mbepo gwa bwanaloli; yūyo i . . . bwanaloli; yūyo ikīsu kikabagila ukwambilila, panongwa yakuti ikyēne kitikumbona umwēne mma, pamo nukumanya umwēne: lōli umwe mumenye umwēne; (Ywani? U Nsūbisi.) kabuno umwene ikwitugāsya na umwe lilino (akayobelo ka mwisyugu), . . . umwene ikwitugāsya na umwe, kangi isakuyaga mwa umwe.

Ngimba Ikyēne kyo fiki? U Nsūbisi yulayula.

Une ndisakubalekaga umwe kisitabusūbisi: Une . . .

Aligwesa amenye ukuti “Une” yo pulonauni ya ubwenenakyo.

. . . Une nisa kwisa kwa umwe.

Lōli pa kabalilo kanini, kangi i kīsu kitikumbonaga une kangi mma; lōli umwe mwisaku . . . lōli umwe mukumbona une: panongwa yakuti Une ndimūmi, umwe mwisakuyaga būmi nūmwe.

Pa lisiku lila umwe mwisakumanya ukuti Une ndi mwa Tata gwangu, kangi umwe mwa une, kangi Une mwa umwe.

Apo po pakuyaga pakati pa līnogòno lyāngu, lōli uswe tukuyaga pakubala pabutalipo panini. Unko une mbale ikyo kyōpe lilino, kangi.

Pa lisiku lila (ilisiku ilikulumba, ilisiku lya bulongi), ilisiku lila umwe mwisakumanya ukuti Une ndi mwa u Tata, kangi umwe mwa une, kangi Une mwa umwe.

Umwène uyu ali ni ngomèlèsyo yāngu, kangi ikukyūnga isyène, umwène ikyène yo uyu ānganile une: kangi umwène uyu ānganile une isakuganigwaga na Tāta gwāngu, kangi Une nisakunganaga umwène, kangi nisa kwibonesya nimwène ku mwène.

Yudasi āyobīle ku mwène, komma Iskarioti, Ntwa, ngimba ikyène kili bulebule ukuti ugwe kwisa kubonekela pabwelu kwa uswe, kangi komma ku kīsu?

Uko ko, *kosmos*, u “lubātiko lwa kīsu.” Linga umwe mukuyaga nu kubala kwapalubafu apo, umwe mwisakukētésya. Ikyangu yo “g,” kangi ilyène likuyoba kubwa kuno, “*kosmos*, pamo ulubatiko lwa kīsu.” Ikyo kyo fipānga, na fyōsa bo ifyo, muketile.

...ngimba ikyene kyo bulebule ukuti ugwe kwisakwibonesyaga gwimwene kwa uswe, kangi komma ku bene? Ugwe ubagile ukubomba bulebule ikyene?

Yeso alinkwamula kangi alinkuyoba ku mwene, Linga u mundu anganile une, umwene isakukyungaga a masyu gangu: (ameni) kangi Tāta gwāngu isakunganaga umwène, kangi uswe twisakwisaga mwa umwène, nukutēndeka ubwītūgāsye na umwène.

Umwène uyu atikungana une atikukyūnga ifyakuyoba fyāngu: . . .

Abagīle ukukyūnga ifyakuyoba fya kipānga; lōli kyūnga isyakuyoba Fyāke, umwe muketile.

...kangi a masyu aga umwe mukupilika gakaya gāngu mma, loli u Tāta uyu ālindumīle une.

Ifindu ifi mbōmbīle Une njobile kwa umwe, ukuya ngāli ndipo na umwe.

Lōli u Nsūbīsi, uyu yo Mbepo Mwikemo, yūyo Tāta isakutuma mu ngamu yāngu, umwène isakubamanyisyaga umwe ifindu fyōsa, kangi ukutwala ifindu fyosa ifi (ifi fyo, a Masyu Gake) ku bukumbukilo bwīnu, kilikyosa iki Une njobile kwa umwe.

Yo fundonki iyi Kyala atumaga u Mbepo Mwikemo polelo? Umwene ali ongelelaga isayo Syake ku Lisyu Lyake.

¹⁶ Yeso āyobīle, ukuti, “Pa lisiku lila umwe mwisakumanya ukuti Une ndi mwa Tāta, kangi u Tāta ali mwa Une; kangi umwe muli . . . Une ndi mwa umwe, kangi umwe muli mwa Une.” Lilino, linga uswe twayaga pakuyoba iki . . .

¹⁷ Lilino, kumbukilaga, iki kikuyaga pa tepi.

Unkyulusi gwa kiKristi, ukufuma mu Louisville, angōlīle une pitāsi. Kangi umwene alinkuti, “Ikyene kyo kikosyasoni,

Billy, ukuti i Ndumi isi, mumo ugwe gwāyobile ikilo kya mmayolo, sitikufika ku maelifu malongo mana apa mbuyo bwa abāndu mia yumo na malongo mahano, pamo abamia babili, batatu pa kapanga kāko akanini.”

¹⁸ Une ndinkuti, “Nkulumba, mu myēsi mihano na gumo ukufuma lilino, linga Yeso ikukābila, ikīsu kyōsa ukusyūngutīla kisakupilika iki.” Muketile?

Amatepi gala gikubuka nkisu kyosa, muketile, mosa ukusyūngutīla. Kangi, polelo, uswe tukumanyisya apa lilino itolo ifi uswe tukwitika ukuya Bwanaloli, kangi ifi uswe tusyagenie ukuti Kyala asisimikisye ikyēne kwa uswe ukuya Bwanaloli.

¹⁹ Lilino, u bwīgane, fyo fiki fyāli—fyo fiki fyāli bwīgane bwa Kyala mu kutuma u Mbepo Mwikemo? Lilino, une mbagīle ukung’wāla ikyo pāsi, Yohani 14, ukwandila pa linandi lya 14, nukubala ukwisila mu ntu, kuli u lwālo. Ifundo ya Kyala, uswe tukwaga apa, mu kutuma u Mbepo Mwikemo, bwāli bwīgane bumobwēne, ukuti Kyala Mwēne ābagīle ukwitūgala mu Kipānga Kyāke nukukīndilīla ulubātiko Lwāke ukwisila mu Kipānga.

Ukuti, Kyala āli mwa Kristi, ukukīndilīsa i mbātiko Syāke ukwisila mwa Kristi; ukufuma mwa Kristi, nkati mu Kipanga, ikukīndilīsa imbombo Syake ukwisila mu Kipanga.

²⁰ Lilino, uswe tumenye iki u Mbepo Mwikemo ali. Uswe tukusyagania, ikilo kya mmayolo, ukuti Umwene yo Kyala.

Lilino, akabalilo kako uswe tukwinogonaga isya Kyala, Tata, mumo Yeso āyobelaga apa, Tata Gwake; Kyala, u Mwanundumiana, mumo Yeso; Kyala, u Mbepo Mwikemo, mumo uswe tukukikōlela Ikyene umwisyugu, lilino, ikyo kitikusanusya ukuti bulipo ubūndu butatu, aba Kyala abakīndāne. Ikyene kikusanusya ukuti aliko u Kyala yumoywene mbubombelambombo mutatu.

Tuliyoba uswe ikyene bo ulu. Fyosa ifi Kyala aali, Umwene alyonile mwa Kristi, panongwa yakuti Umwene alisukwīle Mwene nu konelela Ikyene mwa Kristi. “Kangi Kristi aali bwisusye bwa Bwakyala mu mbili.” Fyosa ifi Yehova aali, Umwene aalyonile mwa Kristi.

Kangi fyosa ifi Kristi āli, Umwene ālyonile mu Kipanga; komma mwa yumoywene pamwene, loli mu Mbili gosa. Kula, kuko uswe tukwisa palikimo mbumobwene, uswe tuli na Maka. Fyosa ifi Kyala āli, fyāli mwa Kristi; kangi fyosa ifi Kristi āli, fili mwa ugwe.

“Kabuno Kyala ātendekīgwe ukuya mbili, nukwitugala na uswe.” Timoti Gwākwānda 3:16, linga umwe mukusimba ikyēne pāsi, “Kisita kukanikana bukulumba bo bwakubutītu bwa bunyakyāla: kabuno Kyala abonike pabwelu mu mbili, kangi

uswe twālimpalamasisye Umwēne. Kyala, Yehova, ātendīke umbili, kangī nukwenda pa kīsu, kangī uswe twālimbwene Umwene na maso gitu.”

²¹ Umwe mumenye, mu ntu gulagula, gwa Yohani 14, Filipu alinkuyoba, “Ntwa, tunānagīsyā uswe u Tāta, kangī ikyēne kisakutwīkutisyāga uswe.”

²² Yeso alinkuti, “Une ndi kabalilo katali fiyo na ugwe, Filipu, kangī ugwe utikumanya Une? Akabalilo kāko ugwe umbwēne Une, ugwe umbwēne u Tāta. Kangī fiki kuyoba ugwe kwa Une, “Tunāngīsyā uswe u Tāta?” Kyala ātendekīgwe ukuya mbili.

²³ Lilino apa ikylene kili. U Tāta āli Kyala pamwanya pa ugwe, uswe tukuyoba. Uswe twāliko ukufuma kwa Adam. Kyala, u Tāta, āli pa Mōse na bāna ba Israeli, mu Mbanda ya Moto. Polelo, Kyala na uswe, mwa Kristi; alinkwenda na uswe, āyobilepo na uswe, ālile na uswe, agonaga na uswe. Kyala pa uswe; Kyala na uswe; kangī lilino Kyala mwa uswe. Fyosa ifi Kyala āli, fisile mwa Kristi; fyosa ifi Kristi āli, fikwisa mu Kipanga.

Ngimba ikylene kyo fiki? Kyala ikubomba mwa umwe. Paliposa nkisu iki Umwene ikulonda ukukukolela pa ugwe, ugwe uli palapala pala, ukubomba mwa ugwe ukubomba ubwigane Bwake ubununu. Mumo uswe tukulondigwa ukumpalisya Kyala panongwa ya ikyo! Kyala, u Mbepo Mwikemo, atumigwe ku nongwa ya Kyala ikwitugasya mu Kipanga Kyake, ikwēnda ukukīnda mu ngulilo yiliyōsa, ikubōmba u bwīgane Bwāke u Bwakyalā.

²⁴ Akabalilo kāko u mūndu ikukuseka ugwe, abēne batikukuseka ugwe mma, abēne bikunseka Umwēne uyu ākutumile ugwe. Popāpo Yeso alinkuti, “Basayigwa mwe umwe akabalilo kāko abanyāmbāla bisakuyobāga uluko lōsa lwa bubibi ukulwana na umwe, nubusyobi, panongwa ya Ngamu Yāngu. Basayigwa mwe umwe.” Kangī, kangī, “Bosa aba bikuya nu bumi bwabunyakyala mwa Kristi Yeso bisakukubilwaga ubufwimigwe.”

Kabuno, akabalilo kako Kyala ālipelile Mwene ukumanyigwa mwa Kristi, abene bālimbēngile Umwene. Ywani ālimbēngile Umwene, mbubibi-fiyopo? I kipanga. I kipanga kilinkumbenga Umwene, mbubibi fiyo. Abene balinkumbenga Umwene ukuya kibibipo ukukīnda u—u kinwelwa. Abēne bālimbēngile Umwēne nububibipo ukukīnda abāndu bōsa. Ikyēne kyāli kipānga iki kyālimbēngile Umwēne. Popāpo, pōlelo, akabalilo kāko ugwe kukēta *kosmos*, “Ulubātiko lwa kīsu, i kīsu kikālimmenye Umwēne,” kikusanusya, “i kipanga,” kikōlelīgwa-mumo, “kikālimmenye Umwene mma. Umwene ālisile ku Bāke bēne, kangī a Bāke bene bakālimmwambilile Umwene mma.”

“Lōli na bu bwīngi bwa aba bālimmwāambilile Umwēne, ku bēne alinkupa Umwēne amaka ukuya bānabalumiāna ba Kyala,

ku bēne bābo bālītike pa Ngamu Yāke.” O, mūmo uswe tubagile ukungana Umwene nukummwiputa Umwene! Ubwīgāne bwa Kyala, ikulonda ukwisa mbulilanisi!

²⁵ Bo, bo uswe tukāli ukusōkamo mbusīmbe bula, unko uswe tubōmbéle iki; mmasiku ga Ruti, mu lulagilo lwa butabulo, akabalilo kāko Naomi āsōkiléko nkīsu, panongwa ya lugelo, utubalilo utukafu. Umwene alinkubuka nkisu kya Moabu, iki itolo kyāli balūngule, baKristi abangamu itolo. Panongwa yakuti, aba Moabu bāfūmilaga ku mwanundindwana gwa Loti, kangī abene bāli bitiki abakoleligwa-lulo, kangī bafuluganisigwa. Kangī polelo undume gwāke āfwīle, kangī abānabalumiana bāke babili bāfwīle. Kangī pa nsebwe ukubuka ku kāya, Naomi. . . Ruti na Naomi, pa nsebwe gwake kukaya, umwene. . . Yumo mwa bakwamwana bāke, Oripa, umwēne āyobīle ukuti umwēne isakugomokelāga ku kīsu kyāke, ku bakyāla bāke, kangī ku kipanga kyāke, kangī ku bāndu bāke. Kangī Naomi aagelile ukweega Ruti ukugomokela, loli umwene alinkuti, “Abandu bako bo bandu bangu. U Kyala gwako yo Kyala gwangu. Kūko ugwe kufwa, kula une ngufwaga. Kūko ugwe usyiligwe, kula une nisakusyiligwa. Kangī une ndisakusyumbutuka ku nyuma.”

²⁶ Ako ko kabalilo kāko u mūndu akolile i mboniboni. Kitikupela ukukindana kulikosa iki abandu bake bayobile, “Ugwe kubukaga ukukilania ukuya mbunguluka-mwikemo pamo ikindukimo.” Kila kikāpelile ubukīndāne nabumo kwa Ruti. Pala bwālipo u bwīgāne bwa Kyala ukufwānikisigwa.

²⁷ Kangī itolo nubusisimikisye mumo ugwe kuyīla ni njala ikilo iki panongwa ya Mbepo Mwikemo, ikyene kyo kindukimo mwa ugwe, ukukukwāba ugwe, ukuti u bwīgāne bwa Kyala mbumi bwako bukufimbilisigwa ukufwanikisigwa, itolo mumo ukwene kwāyilile na Ruti.

²⁸ Akapango kamogi fiyo! Une itolo ngabagila ukukaleka akēne, pa kabalilo. Umwe mumenye ululagilo lwa butabulo, ukuti akabalilo kako Boazi. . . Umwe mumenye akapāngo ka mūmo Ruti akwāngulāga mu ngūnda nukwāga ubukundwe na Boazi. Kangī bo umwēne akāli ukummwēga umwēne, umwēne alinkufimbilisigwa ukutabula fyōsa ifi Naomi ātāgile. Kangī umundu yumoywēne uyu ābagile ukutabula ifyūma ifigwāno ifya Naomi, mu lulagilo lwa butabulo, āli u nkamu ugwakifuki; bāfimbilisigwāga ukuya bakamu bo akāli umwēne ukubagila ukutabula. Kangī bala bāli bakamu abakifuki-fiyo. Kangī umwene alinkufimbilisigwa ukutendeka ikimanyilo kya kilundilo, panja pa kipata, pamo ukufumusya kwapakilūdilo ukuti umwēne ātabwīle fyōsa ifi Naomi ātāgile. Kangī Boazi ābōmbile ikyēne ukwīsila mu kubāyania ikilato kyāke pankyēni pa bakulumba, kangī alinkuti, “Linga alipo aligwēsa apa uyu ali nako kalikōsa aka ko ka Naomi, une ilisiku ili ndabwīle ikyēne.”

²⁹ Kangi iyo yo njila iyi Kyala åbõmbile, akõngesisye indagilo Syåke Mwene. Kyala akabagila ukukõnga, ukupa ugwe ululagilo lumolwene ukukõnga kangi Umwene ikukõnga ulungi. Umwene ikukõnga indagilo Syåke Mwene. Polelo, Kyala, ukuti atabule i kipanga ikiyõnge, ikisu ikiyõnge, ikipeligwa ikiyõnge; Kyala, Uyu yo nsitampaka mwa Mbepo, ukutabula uluko lwa bandu abasobi, Kyala Mwene alinkuya nkamu, u Nnyambala, u Mwanundumiana uyu Umwene åpelile munda mwa Maria. Kangi polelo Umwene åtendike ikimanyilo, pamo ubuketi; panja pa fipata fya Yerusalemu, Umwene alinkufyusigwa mmwanya pakati pa myanya ni kisu, kangi alinkufwa, kangi alinkutabula kilikyõsa. Kangi mu kusok'ililopa, Umwene alinkukemesya i Kipanga iki Umwene Mwene abagile ukwitugasyamo, nu kulilanila nu kulilanilana nakyo, kala akabuyo akåtågigwe aka bulilanisi ukufuma mu ngunda gwa Edeni kuko Kyala isaga pasi amayolo galigõsa, akabalilo ka kipanga.

Ngimba umwe muketesise? Kyala isaga pasi mbutalalifu bwa lisiku, ukwĩngila kwa lisuba. Kilipo ikindikimo ukufwana na kabalilo kåko ikyene kikwanda ukufika nkilo, abandu bikwinogona isya kipanga na isya Kyala; Bakristi. Ugwe kuketa i lisuba likwĩngila, ugwe kusyågania ukuti ilisuba lyåko likwĩngila.

³⁰ Kangi mbutalalifu bwa namayolo Umwene ålisibile ukwisa pasi nukulilanilana na bene. Kangi pala Umwene åtågile ubulilanisi bula, panongwa yakuti ubutulwanongwa bukabagile ukummwitikisya Umwene ukubõmba ikylene.

Kangi polelo Umwene åtendekigwe ukuya mbili nukwitugasya pakati pa uswe, ukuti Umwene åbagile ukugomokela kangi ku mundu, nukwitugasya mu mundu, nukupyanikisya u mundu ku kayilo ka bulilanisi nu Mwene kangi, nukumpa umwene ukugomokesya u bwåbuke ubupigwena-Kyala. Ikyo kyo iki Umwene åbombile.

³¹ Iyo yo fundo ya Mbepo Mwikemo. Ikyene yo Tåta, kangi, Kyala Tåta ikwitugala mwa ugwe, ikubõmbabõmba ulubåtiko Lwåke, ukumålisa ulubåtiko Lwåke lwa butabulo; ikubõmbela mwa ugwe, ikukupela ugwe u mbõmbi-ntuli na Umwene; ukukupela ugwe u buyo, ukukupela ugwe a kayabo kuli ungwåno gwåko, unjõnge unkũndwe pamo kalumbu; ukubapa umwe u Mbepo Gwake nu lugano Lwake, ukubuuka ukufwima abajõnge, muumo Umwene aabõmbile mu ngunda gwa Edeni. "Adam, Adam, ngimba ugwe uli kugu?" Ikyo kyo iki u Mbepo Mwikemo ikubomba ku nnyambala pamo u nkikulu. Akabalilo kako Ikyene kikutika mu ndumbula syabo kangi kikwega u bwitugasye Bwake, kilipo ikyũmilwa ni njala panongwa ya myoyo imisobi.

Iyo yo ndamyo ni ngomano umwisyugu. Kukayapo ukwakufwana ukupalamasya-kwa-Mbepo mu kyene, ukubuka kuli imyoyo gya batågigwe na aba bikufwa. Ukwene ko

kunywāmupo ukutendeka i ngamu, pamo i kipanga, pamo i nyumba, pamo i kipanga-kipāgūke, mbuoyo bwa mbātiko ya kukaba-myoyo. Syakitima bule! Uswe twābagile ukusyāla pa ikyēne fiyo.

Kyala ālilyonisye Mwene mwa Kristi. Kutalusya.

³² Kristi ālilyonisye Mwene mu Kipanga. Polelo, lilino kētésya, “Pa lisiku lila umwe mwisakumanya ukuti Une ndi mwa Tāta, kangi umwe muli mwa Une, kangi Une ndi mwa umwe. Pa lisiku lila umwe mwisakumanya ikyene.” Kabuno, ikyēne kyo, i kindu kyōsa kili lubātikano lwa butabulo lukusuluka pāsi, ukuti Kyala ikwīsa ukugomokela ukwītugala nkati, nukwītugāla nabo, nukwāngāla na bāndu Bāke, bo mūmo Umwēne ābōmbile ku bwāndilo.

Lilino, polelo, akabalilo kako Umwene ikwēga i Kipanga Kyake mbuyilo bwa kuyobesania, ikukyēga i Kipānga Kyāke ku buyo bwākuti Umwēne abagile ukwēndelēla Mwēne ukukīndāmo, nu lugāno, nu kupepeka, nu bulilanisi, polelo pala pikwisaga Edeni. Umwēne isakwēgāga i Kipanga Kyāke ukugomokela kūko Ikyēne—Ikyēne kyālindekile Umwēne, ukugomokela ku Edeni kangi, pala kūko Ikyēne kyāgwīle. Ikyēne, lilino... Kula ko kūko Ikyēne kyātēndike ukwānda kwāke, pamo ukugwa. Kula ko kūko Ikyēne kisakwēgeligwāga ukugomokela kulakula, ni sahani yiliyōsa insukigwe ya butabuligwe, ukubatwāla abēne ukutalula ukugomokela ku buyo bula kangi.

³³ I Kipanga kili nkīsu ku kabalilo kamo. Kangi i Kipanga, naloliloli, ukufuma pa Butendekési, ubwa fyinja elifu na sinda gwa ngulilo isya ngīsi... Luteri āli yo ntēndekesi gwākwānda ukusōka panja ukufuma ku kabalilo ka batumigwa. Kangi polelo akabalilo kāko Luteri ikwisa panja, Kyala alinkusendemusya pa kayabo kanini ka Mbepo nu konelela Ikyene panja pamwanya pa Kipanga, mu bwītikisigwe. Kangi polelo mmasiku ga Wesley, Umwene ālyōnile panja panini ukongelelapo ifya Mwene, mbukemesigwe. Kangi mūmo i ngulilo yikūlīle nkyēni, ku kabalilo ka bumalikisyo, Kyala isusyaga i Kipanga Kyāke. Itolo kēta ukusyūngutīla nukusyāgānia linga ikyo kyo Bwānalóli, pamo mma.

³⁴ Kēta ku ngulilo ya kiLuteri, umwe mwe mukubala isyambukulu, kēta ku lusanio lwabo na iki abene bābōmbile. Kēta bo bukulumba bwīngipo buki ulusasanio lwa kiWesley lwāli, go maka mingipo bulebule abēne bāli nago, lōli mbunāndi. Kētésya mmasiku ga Pentekosti, lo luyīgo luki ulu abēne bāli nalo polelo, kyo fiki ikikulumba, kipapate kikupyāgila.

³⁵ Yópe, *Unjāti Gwītu Gwapandungu*, i kalatasi ya Katolika, yikupa ukulāta ukuti aba kiPentekosti bātwele imbīndūko elifu-elifu yumo na baelifu bamia bahano nkyīnja kimokyēne, kyātōlile fyōsa ifingi ifipānga palikimo. U Katolika itolo

alinkusanusya, alinkwiyobela, elifu-elifu yumoywēne. Nkati mwa yabo bēne *Njāti Gwapandungu*, ikalatasi yakubilikigwa *Njāti Gwapandungu*, yāpèle ubuyobelo bula ukuti aba kiPentekosti babatolile abēne.

Kangi, kumbukilaga, imbinduko sya kiPentekosti syo mbĩndũko inyĩsusigwe-na-Mbepo-Mwĩkemo. Mbunāndi, ukwānda itolo, mu lubafu lwa ndukindi-lwĩgi panja pala, ni limo—i lyaiyolo iligitala. Kangi abakikulu balinkutoligwa ukufwānisya ukũla akapāmba kamo ka mastokeni. Balāmbalele panja pa misebwe gya sitima, nukusala mōsa ifilōmbe nukusya icyēne, nukutēndeka u nkati kuli abāna bābo. Loli icyene kisile ukuya fiki? Ikipanga kimile-na-maka-fiyu nkisu umwisyugu, komma mmaso ga kisu, loli mmaso ga Kyala, panongwa yakuti Umwene ikusisimikisya icyene ukwisila mu iki Umwene ikubombela abene. Umwene ikwiyonelela Mwene mu bene, ukōneléla Ikyene nkati.

³⁶ Kētésya lilino iki kyābonike pa buyo, Kyala ikwiyōnelela Mwēne mu bēne. Lilino i Kipanga kifikile pa buyo, ukufuma kwa Luteri, Wesley, kangi ulusasanio luli pa Pentekosti; kangi lilino mu ngulilo iyi yīyo uswe tukwisamo lilino, ukwisila mwa Mbepo Mwikemo yulayula, ukongelelapo itolo isya Umwene. Lilino, akabalilo kāko bala abaLuteri kunyuma kula bāpokĩgwe, abēne bali ni kiyabo kya Mbepo Mwikemo. Akabalilo kako aba Methodisti basukigwege, kila kyāli kyo mbombo ya Mbepo Mwikemo. Muketile, icyene kyāli kiyabo kya Mbepo Mwikemo. “Abene kisita uswe bakapeligwa bapelelesye,” likuyoba i Lisimbo. Muketile?

³⁷ Lilino, Kyala, bo u Lumuli lukwānda ukumulika mmasiku ga bumalikisyo, Umwēne ikutugũlila uswe, ikindu ikikulumba ukufuma kwa uswe. Panongwa yakuti, “Kuko filipo fingi ifi fipigwe, filipo fingi ifi fikugũliligwa.” Popāpo Umwēne isakugũlilāga ifingĩ ukongelelapo ifya uswe ukukĩnda Umwēne ābōmbile ukufuma ku ba kiLuteri pamo aba kiMethodisti, panongwa yakuti uswe tukwenda mu Bwelu ubukulumbapo, na Maka amakulumbapo, nu bukulumbapo. . .u—u nketi u nkulumbapo ukukinda mũmo abene bāli nayo. Lilino, uswe tuli nagwe unketi unkulumbapo ugwa busyũke. Uswe tuli nafyo ifindu ifikafupo, ifisimikisye pingipo ukukĩnda mũmo abēne bāli nakyo.

³⁸ Loli icyene kifwene itolo bo une njobile ku koleji ya Luteri, pakaya patali’mma.

Abene balinkuti, “Ngimba uswe tuli na fiki?”

Une ndinkuti, “U mũndu ābyēle u ngunda gwa kilōmbe. Amāni mabili amanini agakwānda galinkusumuka, kangi umwene alinkuti, ‘Mpālisya u Ntwa pa ki—kibyālīgwa kya kilombe!’ Mbugũlile, umwēne āli nakyo icyēne, lōli umwēne āli

nakyo icyène mbubũmbe bwakwãndana. Panandi na panandi, icyène kinkwisa ukuya mbĩfwa.”

Kangi imbungapunga yikusõka panja pa kyène, iki kyãli kiMethodisti.

³⁹ Linga ugwe kukêtésya ikipeligwa, ugwe kwisakukêta Kyala ikubõmba. Kilipo icyakubutĩtu kilãmbalële pala iki kikubũka nu butumigwe bwãngu. Muketile? Ikyo, ukukêtésya ikipeligwa, kêta mũmo icyène kikubõmbéla, yo ngulilo nki na kabalilo kaki, ugwe ubagĩle ukukêta kũko ugwe uliko nu bũmi. Kêtésya i ngulilo.

⁴⁰ Lilino, polelo, aba kiMethodisti, abène bãli mbungapunga. Abène balinkukêta kunyuma ku ba Luteri, balinkuti, “Uswe tuli nukukemesigwa; ugwe ukaya nakyo nakimo mu Kyène.”

Panandi na panandi, ukufuma ku bulenge, ukufuma ku ba kiMethodisti, kulinkusõka ikilõmbe kya . . . i fisasa fya kilõmbe. Yula ãli Pentekosti.

Mwaketa lelo umwe, ukwitikisigwa, ulufiko lumo lwa Ikyene. Ukukemesigwa, ikifikepo ikingi ikya Ikyene. U Mbepo Mwikemo, i kifikepo ikingi ikya Ikyene; Pentekosti. Luteri, Wesley, Pentekosti.

⁴¹ Lilino fyo fiki ifi ikubõmba Pentekosti? Une ngufwanikisya icyene, panongwa yakuti, mu Pentekosti, icyene kyãtwele ukugomokesya, komma ilyani lya ndeka, komma imbungapunga, loli . . .

Ikilombe kikabagila ukuyoba ku mbungapunga, “Une ngaya nakyo icyakubombela kwa ugwe.” Pamo, imbungapunga yikabagila ukuyoba ku i–i lyani, “Une ngaya nako akakubombela ugwe,” panongwa yakuti bu bũmi bulabula ubu bwãli mu lyãni bwãpelile u bulenge. Bu bũmi bulabula bwãli mu bulenge bwãpelile i kisasa.

Kangi icyene kyãli kipanga kya Luteri iki kyãpelile i kipanga kya Wesley. Ikyene kyãli kipanga kya Wesley iki kyapelaga Pentekosti.

Loli, Pentekosti, ngimba icyene kyo fiki? Ubweene bo bupyanikisyo bwa luko lulalula ulwa luseke ulu lwabuukile mu mfu ku bwaandilo, ukutwala kangĩ ubwisyusye bosa bwa Maka ga Pentekosti, nu losyo lwa Mbepo Mwikemo, muketile, mmasiku gabumalikisyo. O, icyene kyo kindu kikulumba, ukukêta, ukwitika kangĩ ukukétapo.

⁴² Lilino mu ngulilo iyi iyi uswe tulimo nu bumi lilino, ingulilo iyi, iyene yikĩndile pa Pentekosti.

Pentekosti asêngeme mwêne mu fipãnganio, nukwãnda ukutũngulupa ikilũndilo kyõsa ikya fipãnganio, “Uswe twe iki kangĩ uswe tuli *ikyõ*.” Ikyo kyo itolo kipeligwa. Ugwe itolo ukabagila ukukibeka icyene. Ikyene kyo kipeligwa. Abene

bikubombaga ikyo. Ulwene lo lubatiko, kuli abene ukubomba ikyo.

Loli i Kipanga kisemile nkyēni. Ikyene kibukile mbukulumbapo, ubwamaka ukukindapo. Ikyene kyo lupyanikisyo lwa fikūngilwa.

Kangi abandu bingi ba kiPentekosti batikwitika mu bubumbulusyo Bwakyala, ubutumigwe bwa Bandumi, na maka ga Kyala. Bingi aba kiPentekosti bikukolela imboniboni isi sīsyō une nguketa, “u mōhēsi.” Ifibugutila fīngi fitisakuya nakyo nakimo ikyākubōmba ni Kyēne, mu Pentekosti. Muketile, uswe tukindilile pa kila. Itolo mumo aba Methodisti bākōlīle ikiPentekosti, “bāsūtano,” panongwa ya kuyoba mu ndimi. Itolo mo mūmo aba Luteri babakōlelāga aba kiMethodisti, “bāfigili,” panongwa ya kuywēga. Muketile?

Loli ikyene kyo kyosa kwīsa-panja kwa Mbepo Mwikemo, mpaka i Kipanga ikikulumba kikwisusigwa, nu kubūngēnia kiswīle, haleluya, na maka amakulumba ga Kyala Mwenemaka. Mpaka, ikyēne kikufika pa buyo mpaka imbombo silasila isi Yeso ābōmbīle yikwināngisya yēne mulamula mu Kipanga lilino. Uswe tuli kifuki, binangu.

⁴³ Unko une niime apa, ku miniti yimo itolo, ukwega iki Kyala ābīkīle u Mbepo Mwikemo mu Kipanga, ukubapa umwe ikyākwegelela ikīngi ukuti umwe mwisakumanya. Kunyuma mu Lwitikano Ulukūlu, akabalilo kako u—u mwanike. . .

U nnyambala ālipelile mwene a kāya. Umwene ālimmwāgīle u nsīngiligwa gwāke, ikyo kyo kindu kyakwanda.

Polelo umwene alinkuya nnyambala unkulumba, bo kibugutila. Kila kyāli kinunu.

Ikindu ikikōnge kyābonīke, pala pakwīsa u bupāpīgwe mu nyumba yila. Ako ko kabalilo kako Mbepo Mwikemo, muketile, imbepo iyingi yilinkwingila, iyi yo aali mwanundumiana. U mwanundumiana yula, umwēne akāli mbulagili bōsa mma, pamo nukuti umwēne āli mwingilakilingo mpaka umwēne āfikaga ku bukusi bumo. Kangi umwene afimbilisigwe ukusisimikisigwa, tasi. Ena.

Kangi polelo abene bāli nu lulagilo lwa bufwīkīgwe. Kwa umwe balumbilili, “mbuyo bwa mwanundumiana,” kyo iki une nguyobapo lilino, muketile, polelo akabalilo kākō umwene ālisīle ku buyo kūko umwene āfwikīgwāga. Yeso āpele ikyakulingania ikimogi ikya ikyene, pa Kyamba Bwāndūke.

⁴⁴ Mūmo une njobīle, Kyala atisamo siku ukubūka panja pa ndagīlo Syāke ukubōmba kalikōsa.

Linga ugwe uli nakyo ikisiba kyanyībūko pa kāmba *aka*, kikupūta amīsi mulimōsa mu mbepo, kangi pa kāmba akāngi aka pa bwa *apa*, ugwe uli nakyo ikyakubyālīgwa kikupya, ugwe ubagīle ukwīma pa kāmba aka nukuywēga, “O, mīsi, bopela ku

bwa kuno nukwīsusya ikyakubyāligwa kyāngu! O, mīsi, fikaga ku kyākubyāligwa kyāngu!” Ikyēne kitisamo siku ukubōmba ikyēne. Lōli linga ugwe kwisakubōmba ukufwāna ni ndagilo sya busito, ugwe ubagile ukōnelèla ikyakubyāligwa kila.

⁴⁵ Ugwe uli nagwe unnyambala umbine alambalele apa, pamo umonangi alambalele apa, pamo unnyambala uyu ikulonda ukuya ntalusye, akabagile ukuleka ukunwa, akabagile ukuleka ukukwēsa, akabagila ukuleka ikinyonywo ni findu. Linga ugwe kubombaga itolo ukufwana ni ndagilo sya Kyala, mwitikisya u Mbepo Mwikemo ukwisa nkati mula, polelo umwene akayako kangi mma pamwene. Umwene, umwene isakwimaga ikindu kangi, panongwa yakuti u Mbepo Mwikemo ikumwega umwene ukukilania. Lōli ugwe kufimbilisigwa ukubōmba ukufwāna ni ngomelesyo sya Kyala, indagilo sya Kyala.

⁴⁶ Lilino, mu Lwitikano Ulukūlu, akabalilo kāko u mwan’umfyēle uyu āpāpigwe, abēne bakētesyaga akēne, ukukēta mūmo akēne kayīlāga, akayīlo.

Polelo u tāta, ukuya unnyāmbala ukyulusi unkulumba pa kabalilo aka, lumu mu malongo mana pamo malongo mahano gāke, umwene akali na kabalilo ukumanyisya u mwāna uyu, mwene, polelo umwene alinkummwāga. . . Mmasiku gala abene bakali ni sukulu sya kilūndilo mumo abene bali nasyo lilino, popāpo abēne balinkummwāga u “mmanyisi,” pamo u “nswīli,” ummanyisi gwa sukulu. Kangi u mmanyisi gwa sukulu uyu āli nnunu ukukinda-bosa umwene abāgile ukwaga, ukuti umwene ikuyaga gwabwanaloli nukumbula u tāta u bwanaloli ukufwana ni kyene.

⁴⁷ Kangi polelo akabalilo kāko u ndumiana uyu āfikile pa bukusi bumo, tutigi, umwēne āli ntubwa. Linga u ndumiana yula āli itolo lisāmbūke, nsita bununu, akapāsyāga kuli imbombo ya gwīse; fyōsa ifi umwēne inogonagelaga kwāli kunyegēsya nu kwēmbela na bakīkūlu, pamo—pamo ukunwa, pamo ukulagusya, pamo ukubopesya ifalasi; u ndumiana yula akabalilo kōsa isakuyaga mwanundumiana, lōli umwēne akābīkīgwemo siku mbuyo ukuya ni kilingo ku fyōsa tāta gwāke āli nafyo.

Lōli linga umwēne āli ndumiana nnunu, kangi umwēne āli pa mbombo ya tāta, kangi umwēne āsisimikisye ukuya mwāna untalusye, polelo abene bāli nu lusekelo. Abēne balinkwēga undumiana yula pānja mu lukīndi nukubīka unselekesye umwēlu pa mwēne, kangi abēne bantugasyaga pamwanya pa mayengo ukuti akāya kōsa kābagile ukukēta. Abēne bātēdekāga u lusekelo kangi jubili, kangi u gwīse polelo āli ni ndendeko ya bufwīkigwe. Umwēne āfwikāga u mwanundumiana gwāke mwēne mu mbombo yāke mwēne, kangi polelo u mwanundumiana āli gwakufwāna-palikimo nu tāta gwāke. Mmasyu agangi, linga ikyene kyāli umwisyugu, i ngamu ya mwanundumiana pa ikyēke kyāli itolo kinunu bo iya gwīse.

⁴⁸ Lilino ketesya iki Kyala ābombile. Akabalilo kako u Mwanundumiana Gwake āpapiḡwe, Umwene alinkummwitikisya Umwene ukubuka pa fyinja malongo matatu, ukumpima Umwene, ukungela Umwene. Polelo Umwene ampaga Umwene ifyinja fitatu ifya lugélo ulukafu. Kangi polelo kubumalikisyo bwa lugélo, akabalilo kāko Umwēne ākibwēne u Mwanundumiana Gwāke āli pakusyūngutila u bukyulusi bwa Tāta; Kyamba Bwāndūke, Baku gwa Luka; Umwēne ālyēḡile Peteri, Yakōbo, na Yohani, abakēti batatu, nukufyūka pamwanya pa kyāmba, kangi pala Kyala ābombile i ndagīlo sya bufwikīḡwe. Umwene. . . Abene balinkuketa kangi abene balinkumbona Yeso, kangi imyenda Gyake gikumulika bo myēlu bo njasi. Kangi bo i Libingo lilinkukupilila Umwene, kangi a Masyu gikusooka ukufuma mu Libingo, kangi lilinkuti, “Uyu yo Mwanundumiana Gwangu unganigwa; mpilikila umwe Umwene. Une ngwitugasyaga pasi lilino nukuya nakyo nakimo kangi mma ikyakuyoba. Iki Umwene ikuyoba kyo lulagilo nu Bwanaloli.”

⁴⁹ Lilino ikipanga kisile ukukinda mmasukulu gala. Umwene alyēḡigwe kunyuma kula, akabalilo katali aka kakindilepo, nukuya kipanga-kipaguke, i kipanganio. Loli, umwe ketesya, Ubupapigwe bwatwele ikindukimo ikingi. Kangi lilino ikyēne kifikīle pa buyo kūko i kipanga kya kiPentekosti, nu Bupāpīḡwe ubupya, kipimīḡwe nukugelīḡwa, kangi lilino ikyene kikwisa ku buyo. . . Kyala atikubombela ni Kipanga ukuya itolo kipanganio. Umwene atikubombela ni Kipanga ukuya ki—ki kibugutila kya bandu.

Umwene ikubombela ni Kipanga ukuya bapalwāke, aligwesa palwāke mu Kipanga. Kangi lilino akene kafikile pa kabalilo. . . Kangi ukwene kukaya kusofu; uswe twesa tukukéta ikyene. Akabalilo kako unnyambala ikusisimikisya, kangi Kyala ikungana umwene, Umwene ikummwega umwene panja kubuyobumo ku Mwene. Pala pankyeni pa Bandumi Umwene ikubomba ikindukimo ku mwene. Umwēne ikumfyūsyā umwēne pamwanya pala mu Kuyapo kwa Kyala, nukumpa umwēne, nukummwīsusya umwēne, nukuntūḡasya umwēne panja. Iyo yo ngulilo iyi uswe tukwitugasyamo.

⁵⁰ Yulayula u Mbepo Mwikemo uyu apokile abaLuteri, uyu ākemesisye abaMethodisti, uyu alyoosīsyē abaPentekosti, yo lilino ikubīka ndubātiko u Kwīsa kwa Ntwa Yeso. Akabalilo kako, ikyene kikuyaga kyamaka fiyo, u Mbili gula, isakwisaga mu Kibugutila iki, i Kipanga, iki kisakukwāba abāngi ba bēne ukufuma ku lipūmba. Pala pisakuyako u busyūke. Ikyo kyo iki u Mbepo Mwikemo ayīlepo. Ngimba u Mbepo Mwikemo yo fiki? “Kisita uswe abene bakabagila ukupeligwa bapelelesye.” Abene bitugalaga mu lisiku limo, pāsī pa ikyo. Uswe tukwitugala mu lisiku ilingi.

“Akabalilo kāko u ndugu ikwisa nkati bo mōḡesyō, Une

nisa . . . u Mbepo gwa Kyala isakufyusya ubupime ukulwana ni kyene.” Muketile? Uswe tuli mu lisiku lilino . . .

⁵¹ Kunyuma kula, abene bakali sinda gwa mahala bo umwisyugu. Abene bakābagile ukulipela ilipufulilo lya atomiki pamo iligali. Abene bakali nagwe u sayansi ni findu mumo uswe tulinafyo lilino, lōli, kangī ifīndu fya fīndu fyāmbutītu; ukugela ukuyoba ukuti u mundu āputile palikimo, ukwisila mu lufūmbi lumo na fyōsa bo ifyo, nukwēga ubufukulefukele bumo nukugela ukusisimikisya ikyēne, ukupela abasitakyala ukufuma ku bāndu.

Loli lilino, akabalilo kako uswe tukufūmbwa Ikyene, u Mbepo gwa Kyala ikufyusya ubupime. Ngimba ikyene kyo fiki? Umwene ikonelela mu Mbepo Gwake. Polelo, bala bābo bikutusya panja pala mwipumba, pamo pási pa kigemo kya Kyala, ukuya mūmo i Lisimbo likuyobela, bikukūta, “Kabalilo katali bule, Ntwa? Ko kabalilo katali bule? Bo butalipo bule?” Kyala ikugulila pa une na ugwe. I Kipanga kikugulila pa une na ugwe. Kabalilo ka bufwīkīgwe, akabalilo kako Kyala abagile ukonelela kwa uswe ubwīsusye Bwāke, a Maka Gake, u busyuke Bwake, ukuti akabalilo kāko i Kipanga na Kristi fisile ukuya kifuki fiyo palikimo mpaka Kristi ikwisa ukuya mboneke pakati pa uswe, nukufyusya abafwe, kangī uswe tukubuka mu Kunyakiligwa.

⁵² Lilino uswe tukuyaga pakuyoba, ukunāngisya ukufuma pa kabalilo, ukuti itolo bala babo bisusigwe na Mbepo Mwikemo bikubuka mu Kunyakiligwa kula. “Kabuno abasyāle ba bafwe bakāli nu būmi ku fwāsi ya fyīnja elifu yumo.” Uko ko kutalusya. Itolo abāndu ba Mbepo-Mwikemo abīsusīgwe bōsa bābūkile mu Bunyakiligo. Lilino, Kyala āpele u Mbepo Mwikemo . . .

⁵³ Une ndinalyo i Lisimbo ilingi apa, mwa Yohani 14:12. Ilyo lyo Lisimbo lyakwisibiligwa fiyo na bōsa abāndu apa pa kipānga.

*Naloliloli, naloliloli, Une nguyoba kwa umwe,
Umwene uyu ikwītika pa une . . .*

Lilino, komma ukulītikisya i lisyu lila “ikwītika” mu luko lumo likugomosye ugwe kunyuma. Nkipanga ikyangamu itolo, bikuyoba, “Ena, une ngwitika. Naloli, une ngwitika Yeso Kristi yo Mwanundumiana gwa Kyala.” U mōhési ikwītika i kindu kilakila. Ikyo kyo katikati. Ili Bangeli lyāyobile umwene ikubomba.

Loli i Lisimbo likuyoba, mwa Yohani, ukuti, “Nayumo umundu abagile ukunkolela Yeso u Kristi, mwene ukwisila mwa Mbepo Mwikemo.” Umwe muli nakyo, naloliloli, ukwisila mu Lisimbo . . . Unko une niime apa itolo i miniti, bo une ngāli ngamālīsyā ukubala. Ugwe ukapinduka mpaka ugwe gwāmbilīle u Mbepo Mwikemo. Uko ko kutalusya.

⁵⁴ Ugwe kwitika “ku.” U Mbepo Mwikemo aayobile kwa ugwe, kangī ugwe pabwēlu umfumwīsyē Umwene. U mōhési ali ni

kindu kilakila. “Une ngwitika Umwene ukuya Mwanundumiana gwa Kyala.” Momumo ikubombèla u mōhési. Lōli ugwe kwēnda kubwa ku Mwēne.

Akabalilo kako, Peteri akoleliigwe nukwitikisigwa, ukwisila ukwitika mwa Ntwa Yeso Kristi; kangi mwa Yohani 17:17, Yeso alinkubakemesya abene ukwisila mu Lisyu, kabuno i Lisyu lyaali Bwanaloli. Kangi Umwene aali yo Lisyu. Lya 1, Yohani ikuyoba, “Ku bwandilo lyalipo i Lisyu, kangi i Lisyu lyāli na Kyala, kangi i Lisyu lyāli Kyala. Kangi i Lisyu lyapeliigwe ukuya mbili, nukwītūgāsya na uswe.” Umwene aali Lisyu, polelo Umwene alinkubakemesya abene. Umwene alinkuti, “Tata,” ukuyoba kwa Mbepo mwa Umwene, “Une ngubakemesya abene ukwisila mu Lisyu,” Mwēne, ukwisila mu kwāla amaboko Gāke pa bēne. “I Lisyu Lyāko lyo Bwānalóli.” Itolo āyobīle Umwēne mu kuyapo, mu mbapo ya nkikūlu; o, lōsa kisitakubagīla kuli Umwēne ukuya injila yiliyōsa iyingi ukukīnda i Lisyu lya Kyala ukwītēndeka Mwēne ukubonekela. “Une ngubakēmesya abēne.”

⁵⁵ Umwene ábapele abene a maka ukulwana ni mbepo inyali. Abene basookile panja. Umwene alinkubika ingamu syabo mwa Buku gwa Kang’osi gwa Bumi. Kangi Umwēne alinkubatuma abēne panja, Yohani... Matai 10, nukubapa abēne amaka pamwanya pa mbepo inyali; ukukagīla panja imbepo inyali, kangi ukubomba imbombo, na fyosa bo ifyo. Kangi abēne bikugomokéla, bikusangaluka, balinkuti, “Gyópe ni misyētáno gikupilikila kwa uswe.”

Umwēne alinkuti, “Komma ukusangaluka panongwa yakuti imisyētáno gikwilāmbika kwa umwe; lōli sangalukága panongwa yakuti ingamu syinu sili mwa Buku.” Kangi Yudasi āli na bēne. Kēta mūmo kifuki umwēne abagīle ukwīsa; mulamula nkyēni ukwisila ubwītikisigwe, ukwēnda mulamula nkyēni mu bukēmēsīgwe. Lōli ngimba ko kūgu umwēne ānāngīsye ulumuli lwāke? Ko kūgu ngimba umwēne ālināngīsye mwēne? Bo akāli Pentekosti, umwēne ānāngīsye ilāngi syāke.

⁵⁶ Kētēsya, umbepo yula isakuyaga itolo mwīpūti kangi itolo gwakwikemesyekemesya bo mūmo umwēne abagīle ukuya, mpaka ikyene kikwisa kwa Mbepo Mwikemo, kangi abene bisakutumula Ikyene palapala pala. Uyo yo mbepo yula (ngimba umwe mukabagīla ukukibona ikyēne?) ikufyukila mmwanya, u ndwananakristi. Kangi Yeso alinkuti, “Abene bikuyaga kifuki fiyo palikimo, mmasiku gabumalikisyo, ikyene kyābagīle ukusyoba a Basaligwa balabala linga syāli syakubombigwa.” Lōli, kumbukilága, ikyēne kyo itolo a Basaligwa aba bisakukēta ikyēne.

Kyala ikukóléla ukwisila mu lusalo. Umwe, mukaya basangalufu ukuti umwe mwe bamo ba bēne? Ngimba mukaya umwe, bāndu apa ikilo iki, mumenye ukuti ikindukimo mu ndumbula yīnu kikulūsa, “Une ngulonda u Mbepo Mwikemo

yula. Une ngulonda Ugwe, Ntwa, mu ndumbula yangu”? Iyo yo nongwa Kyala ābīkīle ingamu yāko pa Būku gwa Būmi gwa Kang’osi bo ulwālo lwa kīsu lukāligwa. Umwene āyobīle ikyo.

“Nayumo umundu abagile ukwisa ku Myangu,” alinkuyoba Yeso, “pene papo Tata Gwangu ankwābile umwene tasi. Kangi bosa aba bikwisa kwa Une, Une nisakubapa abēne u Būmi Bwasyēpwa.” Ngimba u Būmi Bwasyēpwa bo fiki? U Mbepo Mwikemo. “Būmi Bwasyēpwa,” ega i lisyu lila nukulyēndesya ilyēne mu kiGiriki, kangi ilyēne lyāyobīle, Zoe. Zoe yo Mbepo Mwikemo. “Bosa aba Tāta ambele Une bisakwisaga kwa Une. Kangi bosa aba bikwisa kwa Une, Une nisakumpa umwene u Mbepo Mwikemo, kangi Une nisakusyūsyāga umwēne mmwanya ku lisiku lwabumalikisyo. Une nisakubōmbāga ikyēne,” Umwēne alinkuyoba. Komma umma aba linga-kangi-kangi ukufwāna ni Kyēne. “Une nisa. Bōsa aba bikwisa; kangi Une nisakupa u Būmi Bwasyēpwa.” Umwene ikufimbilisigwaga ukufyusya, panongwa yakuti umwene ali nu Bumi bwa Syepwa. Umwene ikufimbilisigwa ukwisa. Akabagila ukufwa kangi mma ukukinda Kyala abagile ukufwa.

⁵⁷ O, mwe binangu bapala ukufuma ukusyūngutila ikisu iki kangi nkaya akanini aka, linga une nābagīle itolo, na masyu gangu ga būndu, ukubīka mu ndumbula yāko ubufūmbwe bwa kwāmbilila ulosyo lwa Mbepo Mwikemo, ikyēne kikuyaga busetuli ubununu ukukīnda-fyosa ubu umwe mwālimo nabo siku mbūmi bwīnu. Ukukēta iki...Ugwe kufimbilisigwa ukubōmba ikyēne.

Unko une nkitēndeke ikyo kilāngale, isya, “Ugwe ukapīndusigwa mma.”

⁵⁸ Peteri āpokīgwe. Umwēne ālitīke pa Ntwa, alinkōngisye Umwēne. Yeso ālimbūlīle umwēne uyu umwēne āli, āli nagwe umwēne ukunkonga Umwēne. Umwēne ālimpēle umwēne a maka ukulwana ni mbepo inyali nukunkēmēsya umwēne. Lōli ukufuma pa fyōsa ifyo, kangi alinkwisa ukuya mwalafyale gwa bayobi gwa kibugutila; mūmo a Bakatolika bikulondela ukukikōlela ikyene, “u bishopu gwa kipanga, pamo u pāpa,” pamo kilikyōsa ikyēne kyāli, unnyāmbala gwa ntu gwa kipānga; pōpe Yeso alinkuyoba, ikilo kya lupefyo Lwāke, “Unganile ugwe Une, Peteri?”

Kangi umwene alinkuti, “Ntwa, Ugwe umenye une nguganile Ugwe.”

Alinkuti, “Siswilege ing’osi Syangu.” Umwene alinkuyoba kila katatu kōsa.

Kangi Peteri alinkuti, “Ugwe umenye une nguganile Ugwe, mpaka une ngubukaga na Ugwe ku—ku bumalikisyo, kangi une ngubukaga na Ugwe ku bufwe,” na fyosa bo ifyo.

⁵⁹ Umwēne alinkuyoba, “Bo ingongobe yibilikile katatu kōsa, ugwe kwisa...bo ingongobe yikabilikila, ugwe kwisa kuti

ungānile Une katatu kosa.” Umwene alinkuti, “Loli, Peteri, une ngwīputile ugwe.” Pilikisya. Ikyo kyo kikaya kyōsa kya ikyēne mma. “Une ngwīpūtīle ugwe. Kangi ukufuma pāpo ugwe upīndwīke, polelo ukasyēge abakundwe bāko.”

“Ukufuma pāpo ugwe upindusīgwe.” Umwēne āywēgīle. Umwēne lumō āmogīle mwa Mbepo. Umwene, umwene ābombile u luko losa ulwa findu, loli umwene akālyambilīle u Mbepo Mwikemo mma tāsi. “Ukufuma pāpo ugwe upīndwīke, polelo bakasya abakundwe bāko,” ikyo kyo kyābwanaloli, “ukubōmba ulutēndēko Lwāke.”

⁶⁰ Lilino unko une mālīsyē ukubala Yohani 14:12. Lilino mu ntu gwa 14 kangi ilinandi lya 12, Yeso alinkuti, “Naloliloli, naloli, Une nguyoba kwa umwe, umwene uyu ikwitika . . .” Kangi ugwe ukabagila ukwitika . . . “Kwitika pa Une.” Ugwe ubagile ukwitika *ku* Mwene. Balinga bikupilikisya ikyo? Yoba, “Ameni.” [Ikilundilo kikuyoba, “Ameni.”—Nsimbi]

⁶¹ Umwe mukukumbukila, mu Imbombo 19. Une nkibengile ukwīmika iki apa, loli une itolo ngufimbilisigwa ukuyoba ikyene bo ikyene kikwisa kwa une. Mu Imbombo untu gwa 19, akabalilo kāko undumbilili gwa kiBaptisti uyu, uyu āli u— u gwandagilo kangi āpīndwīke, kangi umwene alumbililaga nu kubatwāla abandu ku bupokigwe. Kangi abene baali nu buhobofu ubukulumba, itolo basangalwike nu kulalata, ukuya nu lukomano. Imbombo 18, Aquila na Priscilla, uswe twasosolile ku kyēne amayolo gammayolo, kangi abēne bābūkile ukunkēta umwēne. Kangi abene bamenye ukuti umwene āli nnyambala unkulumba, kangi umwene āli mfunda-funda. Kangi umwēne āsisimikisyāga ukwisila mu i Bāngēli ukuti Yeso āli Mwanundumiana gwa Kyala, kwēne kukumanya u lōsyō lwa Yohani. Umwene akaamenye ulosyo lwa Mbepo Mwikemo tāsi. Polelo umwene aatile . . .

Aquila na Priscilla, yula undume nu nkasi, abanini abatendeka fihēma; iki, Pauli āli ntendeka fihēma, yōpe. Kangi abēne bālyāmbilīle u Mbepo Mwikemo pāsi pa bumanyisi bwa Pauli. Abene balinkuti, “Uswe tulinagwe unkundwe unnini uyu ikwisa pamwanya apa. Unko umwene ayobe kwa uswe pakayabo kanini ka ikyene.”

Kangi akabalilo kako Pauli afyukile mmwanya nukunpilika umwene alumbililaga, amenye ukuti umwene aali nnyambala unkulumba, umwene aatile, “Ngimba umwe mwāmbilīle u Mbepo Mwikemo ukufuma pāpo umwe mwālītīke?”

Abene balinkuti, “Uswe tukamanya mma kula . . .kali aliko yumo u Mbepo Mwikemo.”

Umwene alinkuti, “Polelo ku fiki,” pamo i lisyu lya kiGiriki ikyanaloliloli pala lyo, “kwa mūmo umwe mwālyōsīgwe?”

Abene balinkuti, “Uswe tutalile tōsīgwe na Yohani u Mōsi.”

62 Lilino kètésya iki Pauli āyobíle. Pauli āyobíle, ukuti, “Yohani naloliloli ālyōsisye ku lupīnduko; komma ku busyūle bwa mbibi, lōli ku lupīnduko, ukuyoba ikyo kyo iki umwe mwālítike.”

Akabalilo kāko ugwe kwitikisya Kristi ukuya Mpoki gwakonagwako, ugwe kwitika *ku* losyo lwa Mbepo Mwikemo. Ulo lo lukaya lōsyo lwa Mbepo Mwikemo, bakundwe bāngu ba kiBaptisti. Ikyene kyo kisobi.

Unkundwe yumo alinkuyoba kwa une ilisiku limo, alinkuti, “Nkundwe Branham,” pamo akabalilo kamo aka kakindilepo, imyesi igi gikindilepo, umwene alinkuti, “Nkundwe Branham, Abraham ālítike Kyala, kangu ikiyene kyalyimikígwe ku mwene ukuya bugolofu.”

Une ndinkuti, “Naloliloli.”

Alinkuti, “Ngimba kyo kiliku iki unnyambala abagile ukubomba ukukinda ukwitika?”

63 Une ndinkuti, “Uyo yo nnyambala aligwesa abagile ukubomba. Ikyo kyo kyosa iki umwene abagile ukubomba umwisyugu, ko kwitika Kyala. Lōli Kyala ālímpéle umwēne ikifūngilo kya kubūtígwa,” iki uswe twābūkile ukukinda nkilo, “ukuya kimanyilo ukuti Umwene alítikisye ulwitiko lwake mwa Umwene.” Kangu, umwisyugu, mpaka Kyala. . .

Ugwe kwitika ku Mwene akabalilo kāko ugwe kwitikisya Umwene ukuya Mpoki gwakonagwako. Lōli akabalilo kāko Kyala ikukupa ugwe ikifūngilo kya Mbepo Mwikemo, Umwēne ākufūngile ugwe ku bufike bwāko Bwasyepwa. Lilino umwe ba Baptisti ega ikyo, kangu une ngwisakubūkága na umwe ku buponesigwe Bwabwilanabwila. Ena, nkulumba. Panongwa yakuti, “Somma ukunsulumanisya Mbepo Mwikemo gwa Kyala, kūko umwe mufūngigwe mpaka ilisiku lwa kutabuligwa kwinu.” Umwe mukafūngígwa ukwisila mu kwitika *ku*, lōli mufūngigwe na Mbepo Mwikemo. Baefesi 4:30, “Somma ukunsulumanisya Mbepo Mwikemo gwa Kyala, kuko umwe mufūngigwe mpaka ilisiku lwa kutabuligwa kwinu.” Kila kikufūnga umwe, akabalilo kako umwe mulwagile ubukūndwe na Kyala, kangu Umwene āfūngile umwe na Mbepo Mwikemo.

Ikyo kyo momumo, kabuno ili Bangeli lyaayobile, “Nayumo umundu abagile ukunkolela Yeso u Kristi, mwene ukwisila mwa Mbepo Mwikemo.”

64 Ugwe kuyoba, “Une ngwitika ikiyene panongwa yakuti untimi aayobile lulo.” Umwene yo kutalusya, loli ikyo kitikubaligwa kuli umwe. “Une ngwitika ikiyene panongwa yakuti i Lisyu likuyoba lūlo.” Uko ko kutalusya, loli ikyo kikaya kya ugwe mma, ikyo kitikukubala ugwe.

Injila yene iyi ugwe ubagile ukuyoba ukuti Yeso yo Kristi, ko kabalilo kāko u Mbepo Mwikemo ikwisa mwa ugwe kangu ikubikila ubuketi, kangu ikubikila ubuketi Mwene mosa,

“Umwene yo Mwanundumiana gwa Kyala.” Iyo yo njila yene ugwe umenye ubusyũke, ko kabalilo kãko u Mbepo Mwikemo ikubĩkila ubuketi. “Akabalilo kãko Umwene u Mbepo Mwikemo ikwisa, Umwene isakubĩkaga ubuketi bwa Une, ukubanangisya umwe i findu ifyakwisa; ukutwala ifindu ifi, ifi Une njobile, ku bukumbusyo bwĩnu.” Umwe mutisakufyãgamo siku ifyẽne mu sukulu. Muketile? Umwẽne isakutwãla ifindu ifi ku bukumbusyo bwĩnu.

⁶⁵ Lilino uswe tukulõnda ukubala panini ukukindililãpo pa Lisimbo ili lilino, Mwikemo Yohani 14:12.

Naloliloli, naloliloli, Une nguyoba kwa umwe, Umwene uyu ikwitika pa une, imbombo isi Une ngubomba isakubombaga yope; kangĩ inywamupo. . .

Iki, ubusanusi ubutalusye pala bo “fingipo,” linga umwe mukulonda ukukõtësya ikyẽne mõsa.

. . . imbombo ingulumbapo ukukinda isi mwisakubombaga umwene; panongwa yakuti Une ngubuka kwa Tãta.

⁶⁶ Linga Umwene abũkile kwa Tãta, u Mbepo Mwikemo abagĩle ukwisa. Ngimba uko kutalusya? I Lisimbo ilingi litile, “Linga une ndikusõkãpo, u Nsũbisi atisakwisa. Loli linga une ngusokapo, une ngwisaga kangĩ nukuya na ugwe, mope mwa ugwe.” Muketile, ikyene yo Kyala na ugwe. Pa mwanya pa ugwe, tãsi; na ugwe, mwa Kristi; mwa ugwe, mwa Mbepo Mwikemo. Umwene yo Kyala mwa ugwe.

⁶⁷ Lilino, “Imbombo isi Une ngubomba mwisakubombaga umwe numwe,” komma imbombo iyingi. Loli Kyala ikulonda ukutwala u Mbepo Mwikemo, mwa ugwe, ukukindilisya imbombo yilayila iyi Umwene abombaga mwa Kristi.

Imbombo yikãli mfũmbwe fiyo mmasiku ga Luteri. Ikyo kyãli Kipanga kya Kyala. Iyẽne yikãli mma. . . Pakayabo kanini ukongelelapo mmasiku ga Wesley.

Panongwa yakuti, “I kĩsu,” i Bãngeli likuyoba, “kisakuyaga kyõnywapo, kangĩ kyamahalapo, kangĩ kibibipo ukõngelelapo akabalilo kõsa.” Uswẽ tuli. . . Iki kwisa ukuya kibibipo lõsa. . . Uswẽ tumenye ikyo. Fiki, umundu ikubomba ifindu umwisyugu ifi, ifyinja mia yumo ifi fikindilepo ugwe angali ukĩnogona pabagile ukuyapo mundu uyu ngãsi bo lula. “Babibipo ukõngelelapo akabalilo kõsa, kangĩ umbĩbi isakuyaga mbĩbipo, akabalilo kõsa,” lyãyobile i Lisimbo, “ukõngelelapo kangĩ ukõngelelãpo.”

⁶⁸ Polelo, u Mbepo Mwikemo ikwẽnda. Bwalipo itolo umũyi unnini gwa Ikyene na Luteri; ulupũto panini ulwa Ikyene na Wesley; kangĩ ubupũte ubusolofupo bwa Ikyene na Pentekosti; lilino u mũyi kangĩ u Mbepo isile ukuya yulayula. Umwene ikwibungãnia palikimo, ukutwala panja kila ikyamaka kilakila

ikya Mbepo Mwikemo bo mumo Umwene ábombile kunyuma kula, ikubonesya imbombo silasila isi Umwēne ábōmbile kunyuma kula, sikubonesigwa papapa umwīsyūgu, ikindu kilakila.

⁶⁹ Ketesya iki Yeso aayobile: “Naloliloli, naloliloli Une nguyoba kwa umwe, u Mwanundumiana akabagila ukubomba nakamo pene papo Umwene ikuketa u Tata ikubomba ikyene tasi. Iki u Tāta ikubōmba, Umwēne ikunāngisya u Mwanundumiana. U Tāta ikwitūgasya mwa Une; Umwēne yo ikubomba imbombo.” Muketile?

⁷⁰ Lilino kētésya, apa kyo kilipo ikindu ikingi une ngulonda ukuyoba papapa apa. “Mūmo,” Yeso āyobíle, “bo mūmo u Tāta āndumíle Une. Bo,” lilino kētésya, “bo mūmo Tāta āndumíle Une, mōmumo Une ngubatuma umwe.” “Mumo u Tāta...” Ngimba u Tāta ālintumíle Umwēne bulebule? U Tāta, uyu ālintumíle Umwēne, ukusuluka ukufuma ku Mwanya nukwitugasya mu Mwēne.

Umwene ābukíle panja. Umwene alinkuti, “Une akabalilo kosa ngubomba kila kikyo kikunhobosya Tāta Gwangu.” Muketile? Umwene alinkubuka kula ukubomba ifindu ifi Tāta ālinnangisye Umwene ukubomba. “Une ndikubōmba nakimo pene pāpo u Tāta Gwāngu ikunāngisya Une tāsī.” U Kyala uyu ālindumíle Umwēne, āli nkati mwa Mwēne. “Kangi bomumo Tāta ālindumíle Une, injila yilayila u Tāta āndumíle Une, momūmo Une ngukutuma ugwe.” Ngimba ikyene kyo fiki? Kyala mwa ugwe, ukukindilisa (fiki?) imbombo silasila, silasila.

Yeso aatile, “U...umwene uyu *ikwitika*, umwene uyu alinagwe Une nkati mwa umwēne, u Mbepo Mwikemo; umwene uyu *ikwitika*, uyu yo atalile alingēnie ubuketi Bwangu, amenye ukuti Une ndi mwa umwene. Umwene uyu ali mwa Une; linga ugwe kwitugasya mwa Une, a Masyu Gangu gikwitugasya mwa ugwe.”

⁷¹ Lilino ugwe kuyoba, “Une ngwitugasya mwa Yeso; loli une naloliloli ndikwitika mu bubumbulusyo Bwakyala.” Ikyo kikubonesya ukuti Umwene akaya mula mma.

⁷² “Une ngwitika mwa Yeso; komma ukwitika mwa Mbepo Mwikemo mu lisiku ili, komma mumo abene bāli nakyo Ikyene kunyuma kula.” Ikyo kikubonesya Umwene akaya apo.

⁷³ U Mbepo Mwikemo isakubikila ubuketi bwa Lisyu lililyosa Ilyene lyayobile. Umwene akaya nsyobi. Umwēne atikutīla nayumo pamo ikipānganio nakimo. Umwēne atikufimbilisigwa ukwēgela pāsi kuli nayumo. Umwēne ikuyoba, kangi polelo Umwēne ikwīma ni kyēne.

Linga abapamwanya, kangi ababwapulígwe, kangi abamanyili, pamo mumo uswe tubagile ukukikōlela ikyene, abatāgīli, linga abene batikulonda ukukyāmbilīla Ikyene, “Kyala abagile ukufuma mmabwe aga ukufyūsyā abāna

kwa Abraham.” Umwēne isakwēga abakulumba ba bahiyi, abakinwelwa, na kilikyosa ikingi, nukukifyūsyā ikyēne mōsa. Kyala abagile ukubōmba ikyēne, kangī Umwēne ikubōmba ikyēne. “Kyala abagile ukufuma ku mabwe aga ukufyusya abāna kwa Abraham.” Umundu yumo ikubombaga ikyene, panongwa yakuti Umwene yo Kyala.

⁷⁴ “Linga ugwe kwitugasya mwa Une, kangī a Masyu Gangu mwa ugwe, suma aka ugwe gwiganile,” panongwa yakuti ugwe kusuma i Lisyu Lyake, kangī i Lisyu Lyake lyo Bumi. Yoba ikyene. Linga Kyala āyobīle ikyēne, kangī ugwe usisimikīsyē Umwēne āyobīle ikyēne, u Mbepo Mwikemo ikubikīla ubukēti ukuti i Lisyu lila lyo litalusye, polelo, ugwe ulipo, nkundwe. Yoba ikyēne; pala ikyēne kili. “Yoba ku kyāmba iki, ‘Samisigwaga,’ komma ukwilamwa mu ndumbula yako, loli itika ukuti iki ugwe uyobile kisakwisa ukuboneka.” Komma ugwe gwe uyu ikuyoba, loli Tata uyu ikwitugasya mwa ugwe; Umwene yo ikubomba ubuyobi. Ikyene kikaya ugwe kuyoba ku kyamba kila, ikyene yo Tāta uyu ali mwa ugwe, ikuyoba ku kyamba kila. Ikyene kikufimbilisigwa ukusema. “Fyosa kumwanya na pasi fisakumalikaga,” Umwene alinkuyoba, “loli u Mbepo Gwangu atisakumalikamo umma, pamo, i Lisyu Lyangu litisakumalikamo.” Naloliloli, Ilyene likabagila ukumalika. Tāta!

⁷⁵ Lilino, “Imbombo isi Une ngubomba.” Kyala ali mu Kipanga Kyake, ukukindilisya imbombo Syake. Iyo yo nongwa Umwene ātūmile u Mbepo Mwikemo. Lilino, Umwene āmenye ikyo. Umwene, Umwene āmenye ikyene kikābagile ukuya, ikyene kikabagile ukubombigwa injila yila, polelo ni njila iyingi, mo mūmo Umwene āfimbilisigwāga ukutuma. U Tāta ātūmile u Mwanundumiana, bīka fyōsa ifi fili mun- . . . Mwanundumiana mwa ugwe. Kangī imbombo silasila isi Umwene ābombile, imbombo silasila lilino isi Yeso ābōmbile, umwe mwisakubomba nūmwē, i Kipanga.

Ngimba ugwe utikulonda ukubomba imbombo sya Kyala? Yeso alinkuti, “Linga ugwe kulonda ukubomba imbombo sya Kyala, itikaga pa Une.” Bo bulebule ugwe kwitika pa Mwene? Ugwe ukabagila ukubomba ikyene mpaka ugwe uli na Mbepo Mwikemo.

⁷⁶ Panongwa yakuti, nayumo umundu abagile ukuyoba Umwene yo Mwanundumiana gwa Kyala; ugwe kuyoba iki umunduyumo uyungi āyobīle. “Ili Bangeli liyobile ukuti Umwene yo Mwanundumiana gwa Kyala; une ngwitika i Bangeli.” Umma ndaga. “Ili Bangeli likuyoba Umwene yo Mwanundumiana gwa Kyala; une ngwitika i Bangeli. Untimi ikuyoba Umwene yo Mwanundumiana gwa Kyala; une ngwitika u ntimi. Māma ikuyoba Umwene yo Mwanundumiana gwa Kyala; une ngwitika māma. Umwinangu ikuyoba Umwene yo Mwanundumiana gwa Kyala; une ngwitika mwinangu.”

Loli injila yene iyi une mbagile ukuyoba Umwene yo Mwanundumiana gwa Kyala, ko kabalilo kako u Mbepo Mwikemo ikwisa kangu ikubikila ubuketi Mwene, polelo une mmenye Umwene yo Mwanundumiana gwa Kyala. “Nayumo umundu abagile ukunkolela Yeso, ‘Kristi,’ kwene ukwisila mwa Mbepo Mwikemo.” Pala!

⁷⁷ Nayumo umundu ikuyoba ukwisila mwa Mbepo gwa Kyala ikukolela Yeso agunigwege, pamo ukuyoba Umwene āli kindukimo ilisiku lila kangu i kindukimo ikingi umwisyugu. Ikyo kikapela Umwēne ukuya monywa kangu gwakukofoka. Umma, nkulumba.

Umwene yo yuyo mmayolo, umusyugu, na bwilanabwila. U mbepo gwabwanaloli aligwesa isakubikila ubuketi bwa ikyo. Umma ndaga.

⁷⁸ Lilino, Umwene ātile, “Imbombo isi Une ngubomba mwisakubombaga umwe numwe,” Yohani 14:12, lilino, imbombo silasila.

“O,” abene bikuti, “ikipanga kikubomba imbombo ingulumbapo umwisyugu.” Mu njilanki?

Umwene alinkuti, “Imbombo isi Une ngubomba.”

“Ikyo,” abene bikuyoba, “ena, uswe tulinabo abamisyoni nkisu kyosa, iyo yo mbombo inywamu.”

⁷⁹ Loli Umwene alinkuti, “Imbombo isi Une ngubomba.” Lilino bōmba isyēne, bōmba isyēne tāsi, polelo yobaga isya ba misyoni.

⁸⁰ Umwisyugu, ukuyoba apa akabalilo kamo aka kakindilepo isya u gwaMuhamadi, umwene alinkuti, “Muhamadi afwīle.”

“Uko ko kutalusya, umwene ali mwipumba, loli ilisiku limo umwene isakusyuka.” Umwēne alinkuti, “Linga umwēne ikufyūka ukufuma ku lipūmba, ikīsu kyōsa kisakumanya ikyēne mu sala malongo-mabili-na-sina.” Umwene alinkuti, “Umwe bandu mukuyoba Yeso asyūkile ifyinja maelifu mabili, kangu komma yumoywene-mwa-batatu mwa bandu bamenye ikyēne mpaka nalino.”

Kila kyo nongwa yakuti umwe mwāyobile ukufuma mbukētelo bwamahala bwa ikyēne. Umwe muyobile pabwimilo bwa sukulu pamo ubumanyili.

Linga iki kyosa, kipanga ikikulumba ikya Kyala, ukubala u Katolika, Protestanti, fyosa palikimo, bālyāmbilīle u Mbepo Mwikemo, ikīsu iki āngali kilāmbalele kikafu mu Kikristi; pala āngali pakayapo ikindu kimo bo kikomyunisti; pala āngali pakayapo ikindu kimo bo matati, pamo ubulugu, pamo ubugāsi, pamo ulubēngo. Yeso āngali itūgesye pa Kikota Kyāke, kangu uswe āngali tukwēnda ukukīnda abaparadisa ba Kyala, nu Būmi Bwasyēpwa, ukuya būmi bwilanabwila; tutalile tusyūsīgwe mu mbili umpya, tukwēnda ukusyūngutīla, nasiku ukuya bakāngāle, nasiku ukuya ni mbuha, nasiku ukuya babine, nasiku

ukuya ni njala; tukwenda mu sangaluko sya Ntwa, tukuyoba ni finyamana. Kangi, o, lyo lisiku liki! Loli uswe tubombile filifyosa ifingi palubafu ifi Umwene. . .

⁸¹ Umwene alinkuti, “Bukaga umwe nkisu kyosa ikyapasi nukulumbilila Inongwainunu.” Ngimba i Nongwainunu yikubõmba nki? “Komma i Lisyu lyène mma, löli ukwisila mu Maka nu kubonekesya kwa Mbepo Mwikemo.” Ukupela i Lisyu lya Kyala likubonekela, lyo Nongwainunu.

⁸² Ugwe ukabagila ukubomba ikylene. Lilino, Yeso ämenye ikyo, ukuti Umwene äfimbilisigwäga ukwitugasya mu Kipanga Kyäke.

Polelo, Umwène ämenye uswe ängali tukuya ni sukulu syamahala. Kangi umwe mutisamo siku ukwëga Iki mu sukulu yamahala. Abène bisakulwänaga ni Kyène. Panongwa yakuti, fyosa ifi abène bamenye bo bumanyi bwa nnyambala unkomu, kimo ikimanyisyo pamo ikipänga-kipäguke abène bikulõnda uku—ukuya nubümi nakyo. Popäpo abène bisa—abène bisakukubika ugwe mula mu ikyo nukukutëndëka ugwe ukuya mbakasya ya mbili gula, kangi, nkundwe, ukwandisya ifindu fimo kwa ugwe ukufuma nkimanyisyo iki kyabonekaga ukuya bo ikylene kyäli kipelelesye. “I kikulumba ikipänga ikikemo, u mäma, ikyène kyälímile fíngi i fikomigwe, ikyène kyälímile i fíngi i fitikigwe.” Momümo yöpe möhesi; umwène abäyigwe ukufuma kulikosa kuliko, kifuki, kangi umwène akäli ikubüka nkyëni itolo lulalula. Ena, nkulumba. O, abene bikugela ukugomokelamo mu ifi.

⁸³ Popäpo Yeso ämenye ukuti pisakuyapo ikikulumba ikyëndo kyamahala itolo mümo kyälimo mu masiku Gäke, ukubuka mu kusuka kwa ndeko ni sahani, nukufwäla i myënda, na makolala-amasyümbutusigwe, na filifyösa bo mümo abène bábõmbile, fyösa ifi ifíndu ifikíndàne ifi abène bābagile ukubõmba. Umwene aamenye abene babagile ukubomba ikyo, polelo Umwene alinkuti, “Lilino itolo gulila panandi. Une ngubuka ukusita kubaleka umwe kisita busübisyo, Une ngwisa kangi ukuya na umwe. Polelo,” Umwene alinkuti, “imbombo isi Une ngubomba, umwe mwisakubomba numwe.”

⁸⁴ Ifundo ya kutuma u Mbepo Mwikemo yäli kwa Kyala ukukíndilísa mu kipámbo kya bändu, nukukíndilila uku bonesya Kyala ku kisu. Ikyo kyo katikati. Komma ukwisila mu kimanyisyo, komma ukwisila mu kipanga-kipägúke, löli ukwisila mu Maka ga busyüke Bwäke, ukwisila mukupela i Lisyu Lyäke lyanaloliloli; ukwisila mukwëga ulufíngo Lwäke, nukwíma pa lubafu lwa banandi, nukwítika Kyala; kangi këtësya imyänya imitítu gikusema ukugomokela, kangi a Maka ga Kyala gikusemela nkati nukupõnjola. Amení. Ikyo kyo iki Umwene ikulonda. Ikyo kyo iki u Mbepo Mwikemo aatumiligwe.

Ikyo kyo nongwa iyi Umwene aatumile Ikyene. Uswe tumenye iki Ikyene kili lilino, kangi iyo yo nongwa Umwene atumile Ikyene.

⁸⁵ Polelo, nalimo ililopa ilingi lyabagile ukukēmesya abāndu. Une ngābagile ukukukēmesya ugwe, kangi ugwe ukābagile ukungēmesya une, panongwa yakuti uswe babili-twēsa tupāpigwe ukufuma ku kugonana. Lōli Yeso apāpigwe kisita kugonana, uko ko kutalusya, popāpo i Lilopa Lyāke lyāli yo likemesi. Kangi Kyala ālisile pāsi, āpelile u mbili, alinkwitūgala mu gwēne, alinkōna i Lilopa lila kuli ubukemesi bwa iki, iki naloliloli kyākagile ubutobesigwe bwa butulwanongwa ni soni. Polelo, ukwisila mu lwitiko, ukwitika mu Kila, Kyala ikwisa itolo pāsi mu mbili gwa būndu gula, ukwisila mu bukemisigwe bwa Lilopa lila, kikumbika umwene Luyungu lwa Abraham, nu lwitiko.

⁸⁶ Ukwitika ukuti i Lilopa lila lyābagile ukwisa, i Lilopa ilipelelesye lila ili lyābagile ukuya kīka ngati lilopa lyāke, alinkwenda ukukilania kula ukufuma “umwene aali nnuu ukuya mfwano.” Ītikaga Kyala ku fyiinja malongo mabili na fihano, umwene malongo mahano na mabili na fihano, kangi itikaga mpaka umwene āli gwa fyiinja mia yumo. Kangi Sarah, malongo-ntāndātu-na-fihano, kangi ālitike mpaka umwene āli malongo-mahano-na-mana. “Kangi umwene āli yumo ukuya nnuu bo mfwāno.”

Kangi Kyala alinkuti, “Ukuti abandu batisa naloliloli ukukupondwa ikyene, mmwegela umwene pamwanya apa pa kāmba nukumpa umwene lōsa ukuya likemo.”

⁸⁷ Umwene alinkuyoba ku babōmbi, “Ugwe ima apa ni mbunda nu kuguulila. U mwanundumiana na une ngubukaga kula nukwīputa, kangi u mwanundumiana na une ngwisakugomokelaga.” O, ngimba umwene ikubombaga bulebole ikyene?

Abraham alinkuti, “Une nālimmwambilile umwene ukuya bo yumo umfuma ku bafwe. Kangi une mmenye ukuti Umwēne yūyo ālimbele umwēne kwa une, ukuya yumo ukufuma ku bafwe, abagile ukunusyusya umwene ukufuma ku bafwe linga une itolo ngumilisyā i Lisyu Lyake. Kyunga, une ngukyūnga i Lisyu Lyāke; Umwēne abagile ukunusyusya umwēne ukufuma ku bafwe.”

⁸⁸ Nubupelelesye ikuyoba isya Kristi! Pala Umwene alipo. Kangi ukwisila mu mbakasya ya Lilopa yila mulinkwisa panja u Mbepo Mwīkēmo, iki kyāli Kyēne kyapinyiligwe mu mbili gukubilikigwa Yeso. I Lilopa lila lyakemesisye i njila, nu lwitiko, ukukolela abatabuligwe, pamo a Basaligwa ba Kyala. Kangi akabalilo kako ugwe gwitike Ikyo, kangi u Mbepo Mwikemo egile bosa ubwimi ukufuma kwa ugwe, Umwene ikwenda mulamula nkati, Kyala Mwene, ukubomba ubwigane Bwake.

⁸⁹ Pāsi apa, yula umwīmi ubwāna yo gwabugāsi; kangi uyu uyūngi ugwaiyololo *gwakuti-na-gwakuti* ukukilania apa

ikubōmba *ikyākuti-na-kyākuti*; kangi u miana unkangale *uyu* ikuyoba isya Ikyene, ukulwana ni Kyene. U nnyambala isusígwe na Mbepo Mwikemo isakwimaga palapala nkisyo kya ikylene. Amení.

⁹⁰ “Kangi abēne bālyēgīle ukupilikisya. Abēne bāli basitakumanya kangi basita kumanyila, lōli abēne balinkwēga ukupilikisya ukuti abēne bāli na Yeso.” Ikyo kyo iki u Mbepo Mwikemo isileko.

⁹¹ U ndobanswi unnini ugwaiyolo alinkutoligwa ukubīka ikimanyilo pa ngamu yake. Lōli umwēne ālīmīle pala kangi alinkuti, “Ngimba uswe twisakumwītikaga ywāni, unnyāmbāla pamo Kyala?” Amení. “Unko ikylene kimanyigwe kwa umwe, uswe tukāli twisakulūmbilīlaga mu Ngamu ya Yeso.” Mwe, bo ubukifu buki! Umwene aamenye umwene—umwene aali na Kaya ukukilania kula. Uko ko kutalusya. Umwēne āli mwendanjila kangi nhesya apa. Umwēne ālōndāga a Kāya akākwiśa.

Ngimba yula unsyōbi umpūti asanusyaga fiki ku mwēne? Umwene aali pasi pa bulagili bwa Kyala gwa Kumwanya, uyu afyusisye mmwanya Mwanundumiana Gwake, Kristi Yeso, kangi alinkumwisusya umwene na Mbepo gwa Kyala uyu atendike kumwanya na pasi. Mwaketa umwe lelo. Umwēne akāntilaga umwēne. Umma, nkulumba. Bufwe . . .

⁹² Fiki, akabalilo kāko abēne balinkwēga unnini ugwaiyolo Stefani panja pala, nukuti, “Ega ikyēne ukugomokako!”

Umwēne alinkuti, “Umwe mwe bumano-ilikosi, kangi basitakubūtīgwa mu ndumbula ni mbulukutu, umwe akabalilo kōsa mukulwāna na Mbepo Mwikēmo. Bo mūmo abīsēmwe bābōmbīle, momūmo mukubōmba umwe.”

Abēne balinkuti, “Uswe twisakukutika ugwe ku bufwe!”

Umwene alinkuti, “Umwe mukābagīle ukubōmba ikyo linga umwe . . .”

“Uswe twisakukunāngisyāga ugwe kali uswe twisakubombaga ikylene pamo mma!” Kangi abene balinkupimba amabwe amanywamu nukwanda ukuntika umwene mu ntu.

⁹³ Umwēne alinkukēta mmwanya, kangi alinkuti, “Une ngukubona Kumwanya kwīgwiķe. Une nguketa amafyukilo gikusuluka. Une nguketa Yeso imile pa kiboko ikitalusye ikya Luyīndīko Lwāķe.” Kangi i Bāngēli likāyobīle umwēne āfwīle; umwēne āgwīle ntulo. O, mwe! Une mbagile itolo ukumbona u Gwandumi ikwisa pasi, ukumpimba umwene mmwanya nu kunsūbisya umwene bo yo mwana, u māma, mpaka umwene ābukile ukugona utulo. O, mwe! Naloli.

⁹⁴ Iyo yo fundo ya Mbepo Mwikemo. Ikyo kyo iki Kyala aatumīle u Mbepo Mwikemo. U Mbepo Mwikemo isile ukupa ugwe a Maka. Une ndinago a Masimbo gamo agakongelelapo

apa, itolo i miniti. U Mbepo Mwikemo isile ukupa a Maka. Une—
une ngaya mma. . . Ugwe ubagile ukukyaga iki; une itolo ndi
kubutali fiyo, ikilo iki.

Ukukupa ugwe a Maka, Maka mu lwĩpùto!

⁹⁵ Ugwe kwega u mundu uyu itũgèle ubumi ubununu, loli abene
akabalilo kosa baponjoligwe. “O, une ngukubula ugwe. . .”
Mundu nnunu, “O, naloli, une nunganile u Ntwa, Nkundwe
Branham.” Akabalilo kōsa, abēne nasiku ukuya nu lwĩpùto
lwāmūlīgwe.

Umwe mukwĩsusya u nkĩkũlu unnini yula na Mbepo
Mwikemo akabalilo kamo, kētēsya iki kikuboneka. Akabalilo
kako umwene ikubuka pankyeni pa Kyala, umwene
atikuponjoligwa mma. Umwene ikwisa nubukifu ku Kikota
kya Kyala, ikwitika. Umwene ali nu bwabuke panongwa
yakuti umwene yo mwanundindwana gwa Kyala, ukwisila mu
Kupāpīgwa.

Ega unnyāmbāla unnini yula, fiyo gwasoni, u bwāna
ikum' baya umwēne mōsa ukukilania mbuyo. Ikuyoba, “Gũlila
i miniti apa lilino.” Ikindukimo kyalýānduligwe, muketile,
umwene alinagwe u Mbepo Mwikemo. Ikyene kikukupa ugwe a
Maka. Ubumi bwako buswile na Maka.

Ikyēne kikupa ugwe a Maka mbuyobelo.

⁹⁶ Fiki, mwe, abandu bala aba bāli nu lutende panja pala;
Peteri, Yakōbo, Yohani, Luka, na bosa abangi ba abene. Abēne
bābōmbile bālingile mu kyũmba kya pamwanya, bikuyoba, “O,
uswe tukabagila ukuyoba kangi mma. Abene, keta kula, aliko
Dokotala *Gwakuti-na-gwakuti* na-gwakuti panja pala. Alipo
u Rabbi *Gwakuti-na-gwakuti* kangi gwakuti. Umwe mumenye,
umwēne āli na madigri mana ga koleji; ngimba uswe bulebule
tukwĩmilāga ngamo siku ukulwana nu mwēne?” Peteri alinkuti,
“O, une ngukũmbuka ngumũlisya u nnyāmbala yula iswi ilisiku
limo. Umwene, umwene alinkuyoba, kangi une ngāmenye na
iki umwene āyobela ngapo. O, une ngabagiile ukwimamo siku
ukwĩmikana nu mwene.” Loli fiki fyābombile. . .

“Ngimba uswe tubagile ukubomba fiki, bakundwe?”

“Umwene alinkuti, ‘Gũlila.’”

“Ena, uswe tubombile tuli apa mmasiku mana.”

“Itolo umilisyaga ukugũlila.”

“Kabalilo katali bule?”

“Mpaka.”

“Mulimosa, ngimba Umwēne āyobile ikyēne kikuyaga pa
lisiku lyakihano?”

“Umwene akāyobilēmo siku akabalilo katali bule. Umwene
alinkuti, ‘Mpaka.’”

Ena, abene balinkumilisa itolo ukugulila. Butali bulebule? “Mpaka.” Amasiku lwele galinkukinda. “Mpaka.” Amasiku lwele na limo gākindile. “Mpaka.”

Kangi kubumalikisyo akabalilo kako ilisiku lya Pentekosti naloli lyafikile nubwisusye, abene bōsa bāli mbuyo bumo, mu bwitikisanio bumo.

⁹⁷ Kyala āli pamwanya pa bēne, mu Libīngu lya moto; Kyala ālyēndile na bēne, pa kīsu; lilino ikindukimo ikingi kyayaga pakuboneka pa buyo. Ikindukimo kitendekisye ukuboneka.

. . . abene baali mbuyo bumo, mu bwitikisanio bumo.

Kangi mbimbibi itolo pala palinkwisa a kogo ukufuma ku mwanya ngati . . . u mbelo ugwamaka umbopabopa, kangi ugwēne gulinkwīsūsya kyōsa i kyūmba mūmo abēne bālitūgēsye.

. . . indimi indapukano . . . silinkwitūgāsya pamwanya . . . abēne.

Ngimba *ndapi* ko kuti fiki? “Ndapukano.” Ngati ikitabu, ngimba mumpilikemo siku yumo ikutabilila? Abēne bikubūka, “uu-uu-uu, o, uu-uu,” muketile, abēne bakabagāla ukuyoba nakimo. “Injabanie, uluyabanikane.” Ngati ikyūga *i kitapukano*, kokuti ikindukimo iki “kitapukene, kiyabanikene.” Abēne bakayobaga mma. Abēne bakayobayobaga mma. Abēne bakābōmbāga nakimo lōli kukutēndēka unjwēgo.

. . . indimi indapukano silinkwitūgāsya pa bēne, siliti bo moto. (O, abēne balinkutoligwa ukwikola bēne!)

Kangi abene bosa baalisusigwe na Mbepo Mwikemo, . . . (Whuu!)

⁹⁸ Polelo fiki fyabonike? Panja mu ngindi abene balinkubuka. “Ngimba ali kūgu yula Rabbi Jones? Ngimba ali kugu umwīnitu yula? Kangi ngimba lili kūgu lila ilīndu lyamahala?”

“Kyala āli pa uswe, na Mōse, mu lusingi ulwakano; Umwene ātuswīlile uswe na māna, pa Mwanya. Umwene alinkwenda na uswe ku fyinja fitatu na ntāndātu . . . ifyinja fitatu ni myesi ntāndātu, apa pa kisu. Loli lilino Umwene ali mwa une. Ikyēne akaya yo une uyu ikuyoba; ikyēne yo Mwēne. Une mmenye Yūyo Umwēne ali, kangi une mmenye uyu une ndi. Une ngaya kangi mma; Umwēne ali.”

Ntwala umwene pamwanya apa! *Umwe banyambala ba Israeli, kangi . . . umwe mwe mukwitugasya mu Yudai, unko iki kimanyigwe kwa umwe—kimanyigwe kwa umwe, kangi pilika ku masyu gangu, mwesa umwe balumbilili na ba rabbi.*

Whuu! Mwe! Amaka ga kuyoba! O! “Aba bakaya bagāle mma!” Ukwēgel’ulubafu kuli akayabo kanini kala, mia yumo na malongo mabili, ukulwana maelifu kalongo pamo ukongelelāpo.

... *aba bakaya* bagāle mma, *bo umwe mukusakikisya, ukukéta* akene ko loli *isala ya butatu iya lisiku.*

Une ne ndumbilili gwa Nongwainunu inyisule. *Loli iki kyo ikyo* iki kyāyobigwe *nu nsololi Yoeli;*

... *ikyene kisa kubonekaga mmasiku ga bumalikisyo, ikuti Kyala, Une nisakonelelaga panja...u Mbepo gwangu* (whuu) *pa nyōfu guligosa: kangi abīnu... Umwe mukumbona Maria panja pala ikumoga mwa Mbepo, ukuyobela mu ndimi nu kwendendeka?...pa nyōfu guligosa:...*

... *kangi* pa *bāngu* ababombibakikulu nisa *Une ukōnelela panja... isya Mbepo gwāngu;*...

... Une nisakunāngisyaga ifimanyilo mmyānya *pamwanya kangi...nkati nkisu kūsi;*... *imbanda sya moto, kangi imyūyi gwa lyōsi:*

Kyala aali mu bandu Bake akabalilo kala. Ameni.

“Ena, lilino, ngimba idigiri nki ugwe gwāli nalyo? Ko kūgu, i sukulu nki ugwe gwāfumileko?”

⁹⁹ “Ikyo kitikupela ubukindane bulibosa mma lilino.” O, umwene alinkwanda ukonelela mu Lisimbo.

(Davidi ākētīle ngāni Umwēne!)... *Ntwa akabalilo kōsa pankyēni pa une... atisa kugutigwa mma:*

... ukongelelapo *indumbula yāngu* yasangalwīke, panongwa yakuti... *kangi ululimi lwāngu* lwātendekigwe ukusangaluka;

... umwene *atisakuleka u moyo gwangu mu gehena, somma-kangi* umwene *ukwītikisya u Mwikemo gwake Yula ukuketa ububole.*

... *unko une nubwābūke njobe kwa umwe isya tāta Davidi, ...umwēne yo fyosa-fibili mfwāno kangi asyūlīgwe, kangi ilipūmba lyāke lili na uswe... ilisiku ili.*

Loli ukwisila mu nsololi... umwene aketile-ngani ukwisa kwa u Ngolofu Yula.

... *kangi unko* *ikyene kimanyisigwe kwa umwe, ukuti Kyala apelile* uyu *Yeso yulayula,* Uyu umwe *mwakomelile* na maboko amabibi, *fyosa-fibili Ntwa na Kristi.* (Ameni!)

¹⁰⁰ “Banyambala na bakundwe, ngimba uswe tukubombaga fiki ukuti tupokigwege?”

... *alinkuti, Pinduka,* aligwesa gwa umwe, *kangi yaga bōsīgwe mu ngamu ya Yeso Kristi ku busyūle bwa mbibi syīnu, kangi umwe mwisa kwambililaga* *ikyabupi kya Mbepo Mwikemo.*

*Kabuno ulufingo luli kwa umwe, kangi ku bāna binu,
kangi ku bene aba bali kubutali panja, bope na babingi
aba u Ntwa Kyala gwitu isakubakolelangamo siku.
(Ameni.)*

¹⁰¹ Akabalilo kosa aka Kyala ali na bandu, Kyala ali ni Kipanga, Kyala alinayo u Mbepo Mwikemo ikukúyila ni Kyene. Ikyo kyo iki Kyala āpēlile u Mbepo Mwikemo. Abamahala bisakufyuka; bwila babombile. Loli Kyala ali na banandi kubuyobumo. Kyala ali ni Kipanga ikinini iki kisakwendaga itolo nkyeni nu losyo lwa Mbepo Mwikemo, ukwiyobela u Lumuli. Kangi abēne bisakuyaga bo bābo aba, ukwisila mu bukēti bwābo, bisakulōnga i kisu.

Ngimba i Bāngéli likayoba Yeso āyobíle, “Basayigwege abapelelesye mu ndumbula; abēne bisakumbona Kyala”? Kangi ngimba Ilyene litikuyoba, ukuti, “A bagolofu, a bīkemo, bisakulongaga ikisu”? Naloli.

Ubuketi bwako umwisyugu bwisakutwala u bulongi ukulwana na kaya aka. Ubuketi bwitu ubwa losyo lwa Mbepo Mwikemo na Maka ga Kyala, u bumi ubwikemo, bwisakutwala u bulongi ukulwana na kāya. Akabalilo kako iki . . .

¹⁰² “Bala bābo bāli bākwānda bisakuyaga bābumalikisyo; bala bābo bāli bākubumalikisyo bisakuyaga bākwānda.” Une ndisakumanya nakimo isya Sankey na Moody, mbusyuke bwabo. Abene batisakumanya nakimo isya une, mu iki. Lōli une nisakwīma mu ubu, ukupa ubukēti; mōmumo nūgwe kwisakubōmbēla.

Kangi ukwisila mu ikyo, ukwisila mu kubalanila kwa Lumuli lwinu, kangi u losyo lwa Mbepo Mwikemo, kangi ukwisila mu bumi ubu umwe mwālitugesye, ni findu ifi Kyala ābōmbile ukusisimikisya ukuti Umwene ikwenda apa; kangi na ba mahala gabo, balinkusooka ukufuma ku Kyene; abēne bisakulongígwa na bikemo. Abēne batalile balōngígwe. Abēne batalile bakilenie ikyēne. O, mwe!

¹⁰³ Une nayobaga pa Maka ga lwiputo, Maka ga buyobelo, a Maka ga bumi ubwikemo. Ameni. Ikyo kyo iki u Mbepo Mwikemo ikubombaga.

¹⁰⁴ Mwe bamo ba umwe bāndu mukwenda mula, mukuyoba, “Ena, une ngabagila itolo ukuleka ukunwa. Une ngabagila itolo ukukileka *iki*.”

U Mbepo Mwikemo ikwisa ukwitugasya mwa ugwe, ukupela fyosa ifi *ifyangabagila* ukusokamo mwa ugwe. Uko ko kotalusya. Ukupela abakikulu ukuleka ukutumula inywili syabo, ukubapela abene ukuleka ukufwala ibundu nisulubali. Kukayapo ifyākulēya. Ukubatendekága bala ukuleka uluhēho. O, ena, ikyo kyo iki Ikyene kibīkiligwe, ukukupela ugwe u būmi ubwikemo. Ikyēne kisakukōnga indagilo sya i Bāngéli akabalilo kōsa.

105 Unkikulu ikuyoba, “Ukwene kupile fiyo itolo fiyo; une itolo ngufimbilisigwa ukufwala ifi. Kikumbapo une untu umbábe linga une nguleka inywili syāngu ukukula.”

Lōli kukayapo ifyākulēya na Mbepo Mwikemo. Ikyēne kili pala ukutēndēka ikyēne lúlo. Ikyēne kisakukōnga i Lisyu itolo katikati. Ikyo kyo iki u Mbepo Mwikemo ikulōndigwa ukubomba.

Ikyēne kyo kupela ugwe nnyāmbala ukusyūmbutusya untu gwāko ukufuma ku bala abakīkulu abafwāla-sinda, nukuleka ukubanyonywa abēne, kangi ba mbakasya ba kipānga. Ikyo kyo iki Ikyēne kikulōndigwa ukubōmba.

106 Ikyēne kyo kuleka ukukupela ugwe ukukwēsa nu kunwa, nukuya...ukulōnda ukuya bwāna unnywāmu. Ikyēne kisakwēga ikyo ukufuma mwa ugwe. Ikyene kisakukuyufyaga ugwe akabalilo kako ugwe kubomba ikyo. Ikyo kyo iki u Mbepo Mwikemo āpilligwe. Ikyene kyo kuli bumi ubwikemo. Uko ko kutalusya. Kikupela ugwe ukusōkapo pa luheho. Ukukupela ugwe ukuleka ukukina amakadi, ukusopa i nguli, na fyosa ifi ifindu ifingi ifi ugwe kubōmba ukusyungutila i nguto.

Ikyēne kisakukupela ugwe ukuleka ukwēndendeka ukubunabuna mūmo ugwe kubōmbela, ukwitūgāla kisitabwānalōli ku nkasigo. Ikyo kyo iki Ikyēne kisakubōmba. Uko ko kutalusya. Ikyēne kisakuleka ukupela ugwe ukwēga u nkasi gwa munduyumo uyungi. Uko ko katikati kutalusya.

Ikyo kyo iki Ikyene kili. Ikyene kyo kikukupela ugwe ukwitugasya ubumi bwikemo. Ikyo kyo iki Mbepo Mwikemo yo nongwa yo Maka, “ukubika ifyakwikyela fyako pa findu Kumwanya,” kūko Kyala ikwima pa...? . . .ilinogono lya Kristi mwa ugwe. Ugwe ukabagila ukutoligwa ukukēta i findu ifyo; akabalilo kāko ugwe kukēta ku fyēne, ugwe sanusya untu gwāko. Uko ko kutalusya. Ikyene kyo kyakukupela ugwe.

107 Ugwe kuyoba, “Une ngabagila ukubomba ikyene. O, une ngabagila itolo ukubomba ikyene.” Naloliloli, *ugwe* ukabagila.

Loli u Mbepo Mwikemo isile panongwa ya fūndo yila. Ikyo kyo iki Ikyene kibombile. Ikyēne kisile ukwēga ikyēne ukufuma mwa ugwe, fyōsa fya ifyēne ifiyilo ni findu ifi ugwe kubōmba.

Kula ukwaiyolo ukuhēha, ukwipāgula gwīmwe, kuyoba, “Saya Kyala, une ne gwa Methodisti, une ndikayaga nakyo nakimo ikyākubōmba na bēne aba bikemo-babunguluka.” U Mbepo Mwikemo isile ukwega ikyo ukufuma mwa ugwe.

108 “Une ndi gwa Baptisti. Une ndi gwa Presbeteri. Une ngabagila ukubuka ku kabugutila ka bikemo-babunguluka kala.” U Mbepo Mwikemo isile ukwega bosa ubumilisi bula ukufuma mwa ugwe. Ikyo kyo iki Ikyene kibombile. Ikyēne kikukusuka ugwe mu Lilopa; kikugolosya ugwe mōsa. Ikyo kyo iki Ikyēne kisile ukubōmba.

Ikyēne kisile ukukugolola ugwe mōsa. Umwēne āyobile, “Ukupela ama buyo amaniongale ukugoloka.” Ikyo kyo iki Ikyēne kisile ukubōmba; ukugolala ikyēne mōsa. “Ukupela amabuyo amafyūke ukuya pāsi; ukupela fyōsa i fyāmba ukuboneka ngati ifyēne fyōsa fikumoga ngati utung’osi utunyāmbala utunini, kangī amāni gōsa gikukuba ifiboko fyābo, kwa ugwe.” [Nkundwe Branham ikukuba amaboko gāke—Nsimbi] Injuni sikwimba mbukīndāne. Amabangala agabusangalusi gikukuba. Kukayapo ukulēya nakumo. Ikyo kyo iki Ikyene kisile ukubomba. Iyo yo fundo ya Kyala ukutuma u Mbepo Mwikemo, ukuti ugwe ubagile ukubomba ifindu ifi, ukuti ugwe kwendaga ukunkōnga Umwene.

¹⁰⁹ Lilino une ndikulonda ukubafulasya umwe, loli une mbabulile umwe une ndi apa nubusolofu bwa bwanalolindumbula ukukinda. Ukukyūnga ukubatita umwe, apo na apo une ngunyēla panja pa bugoloke pabuyobumo; nukusyāla nu Bwānalōli, lōli ukusyāla pala nukutēdeka ikyēne mu njila yimo yākuti ikyēne kitisakubatita umwe fiyo mma.

¹¹⁰ Loli une ngulonda ukukubula ugwe ikindukimo. Linga i Bāngéli likuyoba ukuti ikyēne kyo kisōbi ku nkikūlu ukutumula inywili syāke, kangī ugwe kuyoba ugwe uli nagwe Mbepo Mwikemo kangī polelo kutumula inywili syako, une nguswiga linga ugwe uli nagwe. Komma ukukalala; linga ikyēne kikubōmba, ikyo kikāli kikunāngisya kalipo akasolo akāngi ukulwana na ugwe.

¹¹¹ Linga i Bāngéli likuyoba ikyēne kyo kisōbi ku nkikūlu ukufwala umwenda ugu guliti bo gwa nnyāmbāla, kangī ugwe kufwala utu utunini utwaiyolo utu ofololo kangī isulubali panja pala pa nsebwe, umwe bakikulu abakulano! Ngusakikisya u mwāna unnini isakuyaga mōsa. . . ikindu, iki abene bikukina na balumiana banini ni findu. Lōli, kēta, akabalilo kāko ugwe—akabalilo kāko umwe mwe mukulile bakikūlu, kalongo-na-fihano, kalongo-na-ntāndātu, kalongo-na-lwele mbukusi, ukufyuka kwa mbūya, panja apa pa nsebwe! Kangī i Bāngéli lyāyobile, “Ikyēne kyo mwiko mmaso ga Kyala,” kuli u nkikūlu ukufwala ifindu ifyo. Kangī ugwe kufwala ifyene, mulimoso, kangī kuyoba ugwe uli nagwe Mbepo Mwikemo? Une nguswiga utubalilo tumo. U Mbepo Mwikemo isakukonga i Lisyu Iya Kyala ku lisimbo.

Kangi undumbilili kunyuma kwa kigemo, uyu akaya ni lipyana lyakufwana ukulumbilila Ilyene, une ngwilamwa umwene ali nakyo Ikyene. Ikyo kyo itolo katikati! Ena, ikyo kyo nōngwa u Mbepo Mwikemo alipo.

¹¹² Ikyēne kyo kokupa ubupake ku ndūmbilili. Ikyēne kyo kupa ubwīkēmo ku kibugutila. Ikyene kyo ukukibika i Kipanga ndubatiko. Ikyene kyo ukutwala bumobwene bwa Mbepo.

Ikyene kyo kikutubungánia uswe palikimo na Maka. Ikyene kyo kikubungánia uswe palikimo nu lugano, lugano lwabakundwe.

Une ndikupasya kali ugwe guli gwa Methodisti, Baptisti, Presbeteri, Luteri, kilikyosa ugwe uli, linga uswe twesa twaali na yu Mbepo Mwikemo twalyosigwe mu Mbili gumogwene, kangi nukuya mbakasya sya Mbili gwa Yeso Kristi, pakayapo umma . . . pakayapo nakimo kyälino, nakimo kyänkyëni; injala, ukufwa-ni-njala; nakimo kibagile ukutupägúla uswe ukufuma ku lugano lwa Kyala, u lugano lwa Kristi, “lugano lwa Kyala ulu luli mwa Kristi,” panongwa yakuti uswe tukupäpigwa mwa Mbepo Gwäke, ukusukígwa mu Lilopa Lyäke. Uswe twe kipeligwa ikipyä. Ikyo kyo iki Kyala älisife ukubomba. Ikyo kyo iki u Mbepo Mwikemo ali. Ena, nkulumba. Ikyo kyo iki.

¹¹³ Lilino, bändu, keta kwa une, nkisyo. Amaboko mingi gafyusigwe mmwanya, umwe mwaali na Mbepo Mwikemo; muketile, naloliloli, pala bälipo. O, lilino une ne—une itolo nguyaga pakunyëla itolo pakayabo kanandi apa. Iki kikwëgeleligwa pa tepi. Löli uswe tukuyaga pakwega ifyaköngelaplo ku kyëne kilabo nkilo.

Linga ugwe kuyoba ugwe uli nakyo Ikyene, kangi utobesígwe ikya ifi, une nguswiga iki kyo kikulöngosya ugwe. Kyala atisakulöngosyamo ugwe ugwe pänja pa Lisyu. Umwene isakukukyungaga ugwe ni Lisyu, panongwa yakuti isyo syo ndagilo sya Kyala Mwene, ulwa Kipanga Kyake, ku bandu Bake, ku bakikulu, kangi kuli nnyambala.

¹¹⁴ “Ena,” yoba, “ikyëne kitikufulasya une ukubömba *iki* pamo *ikyo*.” Ikyëne kitikubömba? I Lisyu likuyoba ikyëne kikubömba.

Kangi linga u Mbepo Mwikemo ali mwa ugwe, Umwëne isakukulöngosya ugwe kulakula ku Lisyu. Patikuyapo nasimo isyakulëya. Kyala atikutëndeka isanuko pamo isyakulëya. Umwëne ikutëndeka ubung’wäle kangi ugwe köngaga ubwëne. Ikyo kyo kyosa. Ikyo kyo iki ikyene kili na aligwesa. Ugwe kwisa injila yilayila.

¹¹⁵ Peteri alinkuti, “Pinduka, aligwesa gwa umwe; yaga bösigwe, aligwesa gwa umwe, mu Ngamu ya Yeso Kristi ku busyüle bwa mbibi syínu, polelo ugwe kwisa kwambililaga ikyabupi kya Mbepo Mwikemo.” Muketile? Ikyo kyo kyene. Uswe tukufimbilisigwa ukutika ubugolosye bula.

¹¹⁶ Lilino une ndikusanusya ukufulasya ubwipilike bwinu; une mbaganile umwe fiyo. Löli, nkundwe, kalumbu, ngimba ugwe kusyāgania, ni . . . ukuti une mmenye ukuti une ngufimbilisigwa ukwîma mmasiku ga bumalikisyo ku busyuke bula, ni ngulilo iyi iya bandu, kangi ukupa ubumeleligwe ku Lisyu ili? Kangi u Mbepo Mwikemo ukunangisya iki, kangi une ngulumbililaga Ikyene panja pala, kûko ugwe kwisa kwîmaga? Ugwe kubekaga bulebule ni kyëne? Ugwe ukabagila ukubömba ikyëne,

mwinangu. Komma. Lilino imika ikyo. Kilikyosa iki ugwe kubomba ikyo kyo kisobi, imika ikyēne.

Ugwe kuyoba, “Une ngabagila.”

Polelo ugwe ukaya nagwe u Bukūye-bwa-falasi mwa ugwe tāsi. Akabalilo kako u Mbepo Mwikemo ikwisa, Umwene ikukupapa ugwe Maka pamwanya pa kisu. Kangi linga ugwe . . . Pilikisya iki Umwene āyobīle. “Linga ugwe kukigana ikisu pamo ifindu ifya nkisu, ikyene kyo nongwa yakuti ulugano lwa Kyala lukaya mwa ugwe.” Lilino, kukayapo isyakulēya. Umwene ikutendeka ikyene ukuya pabwelu, kangi uswe tukufimbilisigwa ukwisa ku bungw’ale bula.

¹¹⁷ Une mmenye umwe mukwīnogòna une ne ntīlisya. Lōli une itolo nditīlisya lōsa ntalusye lilino. Muketile? Pilikisya. Ikyo kyo kyabwanaloli. Lilino isaga kuno ku Kyene, nkundwe, kalumbu.

¹¹⁸ Komma ukuleka simo mwa isi ikoleji syamahala ukusyūngutila apa sikukubūla ugwe, “O, ifyo fyo fyaiyolo ifīndu fyakifūnienie.”

Linga Ikyēne kyo kyaiyolo kīndu kyakifūnienie, polelo Kyala yo gwaiyolo gwakifūnienie. Kangi linga Kyala yo gwaiyolo gwakifūnienie, polole une nili, nīne. Amenī. Une ngulōnda ukuya bo Umwēne. Nongwa ya fiki? Mbepo Gwāke ali mwa une, yu ikuya ni njāla kangi ikūmilwa, ukukōlela kilikyōsa ikyakulwana ni Lisyu . . .

¹¹⁹ Linga abāndu bikuyoba, “Ikyēne kyo kili lōsa kitalusye kuli, o, linga u mūndu ikukina amakadi panini ku bwīkyēle, kangi itolo ikulagusya i nikele pamo ibili. Ikyēne kyo lōsa kitalusye.” Kyala ikuyoba ikyēne kikaya.

¹²⁰ “O, linga ugwe kunwa itolo ikyakunwa kya pabwinake, kangi itolo ukufika pa bugāle panini, apo na apo.”

Loli Kyala alinkuti, “Aheli kwa umwene.”

¹²¹ “O,” ugwe kuyoba, “ikyene kyo kyosa kinunu, Nkundwe Branham. Une—une—une ngutumula inywili panongwa ya kindu ikyanaloliloli. U nkikulu, ugwe umenye, bosa abakikulu bikubomba ikyene.” Une ndikupasya iki bosa abakikulu bikubomba. Abene bakaya kyakwegelela kyako pamo abene bakaya bwana gwako. Linga ugwe uli nagwe Mbepo Mwikemo mwa ugwe, ugwe kukongaga indagilo Syake kisitakupasya isya iki abandu bikuyobaga isya ugwe.

¹²² “Ena, Nkundwe Branham, ukwene itolo fiyo kupīle, kangi une itolo ngufimbilisigwa ukufwala imyenda igi *gyakuti-ni-gyakuti* imyenda.” Gehena mpyāno ukukindapo apo, kalumbu mpala. Unko une mbabūle umwe ikyo. Kangi—kangi komma. Ugwe kumbukila ikyo.

¹²³ Kangi u Mbepo Mwikemo akabalilo kosa isakubalongolelaga umwe ku Bwanaloli, kangi u Bwanaloli Bwake bo Lisyu. “I Lisyu

Lyangu lyo Bwanaloli. Unko i lisyu lya mundu aligwesa liyege butungulu, loli unko i Lyangu liyege lyabwanaloli.”

Kangi inogona itolo, “ikyā mwiko.” Ngimba umwe mubagile ukwinogona?

¹²⁴ Ili lyo lisyu ilisisya kuli undumbilili ukuyoba, loli une mbukilemo mfyūmba-fya-butūsyō ga mabuyo mumo ikyene itolo kiku... Ugwe ubagile ukufimbilisigwa ukusōka ukugomokela panja, kifuki, ikyēne kyāli itolo lūlo... Kangi ifindu ifinyali pa kibumba. Une ndinkwinogōna, “Bulebule nkīsu babagile abāndu ukuya pāsī fiyo?” Kangi ukunūnga! Kangi akabalilo kākō une ngwīngila mmabuyo gala, une utubalilo twīngi nīnogwīne, “Go nkusyūlu nki!” Une āngali... Nkati mula, une nākolaga imbulo yangu bo *ulu*, ukusuka amaboko gangu. Une angali ngutula ukuti akabalilo kako une negile ukukola pa kyīgulilo kya kifigo, kangi, pisakuyapo ifyakikinyanyasi ukufuma ku mbungo syabulogwe ni findu. Kangi une ndinkwinogona, “O!”

¹²⁵ Iisiku limo, nimile kibanja kya ndege, limo mwa mabuyo gala une ndinkwingila, pamo ubuyo bwa sitima, Une ndinkwingila mu ikyo. Kangi une ndinkwinogona, “O, kisa.”

¹²⁶ Kangi i Kindukimo kilinkuyoba kwa une, “Iyo yo njila ikisu kikununga kwa Kyala. Ikyene kyo mwiko.”

¹²⁷ Une ndinkwinogona, akabalilo kako une nguketa unkikulu ikwenda pasi pa lukindi, na yumwene ipimbile panja bo lula, ni mwēnda ya nnyāmbala afwēle, ikyo iki ikyēne kikubonekela kwa Kyala. Ikyēne kyo mwiko, ikindukimo iki kyo kyakinyanyasi kangi kikununga, pankyeni pa Kyala. Lōli, umwēne isakubūkāga ku kipanga pa Ndungu, nukwimogesya mōsa.

Kula isakubūka u nnyāmbala pāsī pala, nu kunwa, nu kusyōba, nu kugana ihela, nu kunsyōba umpalamani gwāke, na filifyōsa ifīngi, ukusyāga i hela inini isyakōngelelapo; nu kubomba ifindu ifi, nu kulagusya, nu kukwesa, nu kunwa, nu butungulu; kangi polelo ukubuka ku kipanga nu kubikila ubuketi. Ikyāmwīko! Ifyakinyanyasi! Ikyo kyo kipanga ikyamahala.

¹²⁸ Kuyoba, “Ena, une ningile ku kipanga.” Ena, kangi ukufimbilisigwa ukukileka i kipanga kisōke panja, amaminiti kalongo na mahano, ukuti bosa aba diakoni na bosa ba abene babagile ukukwesa, kangi u ntimi, yōpe, bo ugwe ukāli ukugomokela ukuya ni kipanga. Mbula une! Ipāgūla gwimwene ukufuma ku kindu kibwapufu!

¹²⁹ “Bwapusya umbili; Une nisakugubongotola ugwene.” Kyala alinkuti Umwene ikubombaga ikyene. Kangi umwīsyūgu, pamwanya pa kansa, ikupela malongo-lwele-na-limo-ni-kindukimo mwa mia isya bufwe, ubwa kansa gwa mmilo na mabagaya, ikupeligwa nu kukwēsa ingambo. “Bwāpusya

u mbili; Une nisakugubōngotola ugwēne.” Lōli abēne bo batalulīle-ku-gehena fiyo, bikubūnguluka nkyēni bo ulo, abēne bakamanya.

Kangi undumbilili yumo imile pa kigemo na madigri mana, ukufuma ku koleji, ukukwesa, mwene. Unko une ngubūle ugwe ikindukimo, nkundwe. U Mbepo Mwikemo ātumigwe ukubakōléla abanyāmbála na bakikūlu ukufuma ku kindu kila. Ipāgūla gwimwene!

I lisyu *kipanga* likusanusya ukuya “bapaguligwe.” “Sōkaga panja ukufuma nkati mwa bene,” lyāyobile i Bāngéli. “Komma ukupalamasya u bubwapufu bwabo, kangi Une nisakwambililāga umwe; kangi umwe mwisakuyaga banabalumiana na banabalindwana kwa Une, kangi Une nguyaga Kyala kwa umwe.” O, mwe! Une ndikusanusya ukuya gwakabini, loli ngusanusya ukuya gwabwanaloli-ndumbula kangi ukuya gwabwanaloli. Ena, nkulumba. O, kyo kindu kinyali nki!

¹³⁰ Banyambala na bakikulu, ngimba uswe tukwima pōki umwisyugu? Ngimba tuli kugu? Unko uswe twime.

¹³¹ I kilo ikingi, ukukilania akanini akakota kaiyolo mula mu kyūmba, (kangi une mbagile ukwīgala), akanini akaiyolo akakota akapeteke-pabili. Ukufuma pa kwiputa ku masiku matatu pamo mana, polelo une ndinkufika mbuyo bwa luko ulu, ngusyungutila, nukwinogona, “O Kyala,” kangi une nāli mbuyo bwa luko ulu mpaka une ngāmenye ikyākubōmba. Une ndinkuti, “Kyala, uswe tuli ku bumalikisyo bwa nsebwe. Kangi une ngusyagania ukuti une nsūlile. Une mfumile pakuya nāsyo ingōlelo ukukīndilili nkyēni, nukuya nkatale, kangi ndinkutoligwa ukubōmba ikyēne.” Une ndinkwinogona polelo une nābagile ukumbona u Ntwa gwangu ikupepeluka ukukinda mu ngisi kula, akabalilo kāko Umwēne āli nkatale fiyo Umwēne kifuki ukutoligwa ukufyūsya ikilūndi kimo ukufuma pa kīngi, lōli Umwēne akāli fiyo... Alinkwīmila u nkikulu gwa ku Naini, polelo kuli undumiana uyu ātwāligwe panja pala uyu āfwile; mpaka Umwēne ābagile ukubuka ukukilania nukupalamasya untaliko, nukubōmbela utumaka utunini utu twāli mwa Umwēne ukufyūsya u ndumiana yula. “Ena, ngimba une nākatele bulebule? Ngimba kitamisye fiki na une, Ntwa? Apa une ngwinogona, ‘Ena, une ngwisa ukuya nkangale. Une—une ngabagila ukubomba ikylene.’”

¹³² Ālipo Mōse, u Kyala yulayula uyu une nāmbōmbéla, ālimīle ukukilania kula, ku finyinja mia yumo na malongo mabili mbukusi.

Aalipo Kalebu, alinkwima pa bukusi bwa malongo-mahano-na-mana, nu lūbo nkiboko kyāke, kangi alinkuti, “Yoshua ābikile u lūbo ulu nkiboko kyāngu, ifyīnja malongo mana ifi fikindile.” Umwene āli malongo-lwele akabalilo kala. Alinkuti,

“Une ne itolo mundu ununu umwisyugu bomumo une nâli akabalilo kala.” Amenî.

Une ndinkuti, “Kyala, yaga gwakisa kwa une.”

¹³³ Une ndinkuti, “Ena, keta kuno, une akabalilo kosa...” Kangi une ndinkumwega unkasi gwangu (kunyuma kula) ukwisila nkiboko, ukukilania ili Bangeli ili kangi ili Bangeli lyake ilinini, kangi une ndinkuti, “Luuki, une mfumile pakuya nkwabila-pasi fiyo. U Mbepo Mwikemo ikundobesya une nkati mwa une.” Une ndinkuti, “Une ngwinogona isya bala abalukoti panja pala. Une ngwinogona isya Hattie Wright kunyuma kula, na balumiana banini. Une ngwinogona isya iki Kyala âbombile, ukunangisya ukuti Umwene âli Kyala, uyu âbagile ukupela.” Aleluya!

Une ndinkwinogona, “Umwene ambulile ikyo, ifyinja ifi fikindilepo, ‘Une ndisakukuleka ugwe mma. Une ndisakukutagamo ugwe siku. Nayumo umundu isakwimaga pankyeni pa ugwe, amasiku gosa ga bumi bwako. Une nguyaga na ugwe. Kangi ukufuma ku kiboko iki ikya kumanyila-ngâni, ikyène kisakwisa mpaka ugwe kwisakumanya isyakubutitu sya ndumbula. Ukufuma apo, ikyène kisakufyûka mmwanyapo kangi pamwanyapo.’ Ikyinja ukufuma pala, kyasisimikisye nubupelelesye, ikisu ukusyûngutîla. Apa bukwisa ubu, u butumîgwe ubungi ubu, kubutali ukukînda ubwène.”

Une ndinkuti, “Lûki, une ngwêga ikiboko kyâko. Nu butuli bwa Kyala ni lipyâna lya Kyala, nasiku ukundeka une ukuya nkwabila-pâsi kangi. Unko une nende panja ku lusanasio ulu apa ukulumbilila mûmo ngabômbelamo siku pabutasi. Unko une mbuke apa, ku kwikemesya nimwene, nu kutendeka injila kuli abându; ukuti imbîbi syângu syène, ukulekako kwângu kwène kuyege pâsi pa Lilopa, ubusobi bwângu bwène buyege pâsi pa Lilopa, ukuti une mbagile ukwenda panja nukuyoba, ‘Ngóngesya une, bându.’” Uko ko kotalusya.

Une nkibengile ukumbona u miana ikuyoba, “Ugwe bukaga kabombe ikyene.” Une niganile ukumbona umunduyumo uyu isakundongosyâga injila yakubômbéla ikyene. Ena, nkulumba.

¹³⁴ Apa akabalilo kamo aka kakîndilêpo, uswe twâli nu moto pâsi nkâya apa, i Kampani ya Mafuta ya Pfau yakôlile pa moto. Abêne bâli nakyo i Kiyabo kya Moto kya Jeffersonville pâsi pala. Kangi u mwînangu gwa une, u nnyâmbala ununu, akisibilamo siku ku myoto iminywâmu bo lula, umwène êndaga kula, ikuyoba, “Pûta utwisi utunini pamwanya *apa*, balumiana. Pûta utwisi utunini pamwanya *apa*.”

Apa kakwîsa akanini aka Clarksville pamwanya pala, “ding’i, ding’i, ding’i, ding’i,” bikubopa pamwanya pala. Kangi umwene alinkuti, u unnyafyale gwa moto alinkunyela ukusôka, alinkuti, “Pûta utwisi utunini pâsi *apa*. Tika ilidilisyâ ili *apa*. Pûta utwisi utunini *apo*.”

¹³⁵ Lōli ukukilania i kisoko bikwisa abanyambala ba moto abamang'anyisigwa ukufuma ku Louisville. Ilikolekelo lila ni lifyūkilo bo likāli nukwīma mpaka u nnyāfyale āli ku bumalikisyo bwa lifyūkilo. Akabalilo kako amafyūkilo gābūkile mmwanya, umwene āli pa ntu. Alinkusopa i ndwānga yāke bo umwene akāli ukuya pala, nukutika ilidirisha panja, alinkuti, “Umweisa, balumiana!” Ikyo kyo kyene. U moto gwāsimile mmaminiti manandi.

Komma, “Onelele utwisi *apa*. Onelele utwisi utunini *pala*.” Ikukubika ugwe mu linogono, bamo mwa balumbilili aba bāmahala aba.

¹³⁶ Isaga mula! Unko uswe tubūke! Une mmenye Ubwēne bo Bwanalōli. Une ngōnjile nukukibona. Lwīmiko! U Mbepo Mwikemo yo nталusyе. Kyala nnūnu. Komma ukugela *apa*, ukugela *pala*; unko uswe twēnde mwa Umwēne! Umwene ali apa. Ikyene kyo kya ugwe. Kyala āpele a Maka Gake ku Kipanga Kyake. Koma pūta *iki* apa, kangi pūta panja; ugwe utisakufika nakimo kikubōmbigwa. Longolela nkyēni! Amenі. Uu! Whuu! (Ngabagila nukukēta ukukīnda ifyēne kangi mma.)

¹³⁷ Amenі! Ngimba uswe twisakubombaga fiki? Umundu aligwesa itugesye apa іswīle ni kindukimo.

Polelo une ngwigalaga; ngufimbilisigwa ukuya, ukufuma apo.

Ugwe gwīsusigwe ni kindukimo. Ugwe ukabagila ukwītūgāsya pala kisita kuya mwīsusgwe ni kindukimo. Ugwe uli nu būmi mwa ugwe. Ubūmi bula bukulagila ugwe, kangi u būmi bula bukupakisigwa nu mbepo.

Lilino, ugwe ubagile ukuya mwisule ni kisu, ukugana ikisu pamo ni findu ifya nkisu. Kyala ayege ni kisa kwa ugwe.

Ugwe ubagile ukuya mwisule ni fimanyisyo ukufuma ku kipanga kimo, inyiputo inini isi ugwe kuyoba, ugwe kwinogona ukuti ikyene kikwisaga ukummwiputa ku mundu yumo umfwano, pamo—pamo ukutendeka uluko lumo ulwa kimanyilo ukukilania ugwe. Kyala ayege gwakisa kwa ugwe.

¹³⁸ Kangi ugwe kuyaga mwiswile nu bwiputiputi, kangi ikyo kyo kibibipo tāsi. Uko ko kutalusya. Uko ko kutalusya. Ili Bangeli liyobile, “Mmasiku agabumalikisyo abene bikuyaga biputiputi fiyo, bikuya nu luko lwa bunyakyala; ukuya nu luko lwa bunyakyala, loli ukukana a Maka aga galimo: ukufuma ku luko ulu syūmbutukako.”

Linga ugwe gwīswīle nu bwīpūti, ugwe gwe mpelakisa; itolo bwīpūtipūti, ikyo kyo kyōsa. Linga ugwe gwīswīle ni fimanyisyo, ugwe utikumanya iki ugwe kuyobelapo. Linga ugwe gwīswīle ni kisu, ugwe gwe mfwamaso.

¹³⁹ Kangi polelo, kangi, ugwe ubagile ukuya gwiswile na Mbepo Mwikemo. Amenі. Une ngusubila ugwe guli. Kangi, linga umwe

mukaya, une ngusũbĩla umwe mukwisusigwaga. Kangi linga ugwe gwiswile na Mbepo Mwikemo, fyo fiki ugwe uli nafyo? Ugwe uli na Maka. Ugwe uli nu lugano. Ugwe uli nu lutengano. “Lutengano Lwangu Une ngubapaga umwe; komma bo mũmo ikisu kyapasi, ngubapa Une umwe.” Ugwe uli nu lutêngano. Ugwe ufungiligwe. Ugwe uli ni kimanyilo. Ameni. Ugwe uli nalo ulutũsyo. Ugwe uli nabo ubuhobofu ubusitakuyobigwa, kangi gwiswile na lwimiko. Ugwe ukimĩsigwe. O, mwe! Ikyo kyo iki ugwe uli, na Mbepo Mwikemo. Ugwe uli. . .Linga ugwe ulinabo ubwisusye bwa Mbepo Mwikemo, “Ugwe ukilenie ukufuma ku bufwe ukubuka ku Bumi,” kugũlila kuli ubusyũke bwabõsa mu lisiku lyabumalikisyo.

¹⁴⁰ Nkisu iki kikwisa, ukwisila mwa Ntwa gwitu Yeso Kristi, kangi uyu alimbwene Umwene ikwisa mu lwimiko na mubwimikigwe, “I nyanja yisakupaga abafwe bāke.” “Imibili imibolano gya bala bagonile mwa Umwēne gisa. . .”

“Gon’utulo mwa Umwene.” Ngimba ugwe kufika bulebule mwa Umwene? “Nu Mbepo yumoywene uswe twesa tõsigwe mu Mbili gumogwene.”

“Imibili imibole igya bala bābo bagonil’utolo mwa Umwēne gisakusanuka nukutēndekigwa ngati bo Gwāke Gwene umbili ugwalwĩmiko, kũko Umwēne abagile ukuponjola ifindu fyõsa ku Mwēne.”

“Une ndinkupilika i Lisyu ukufuma ku Mwanya,” alinkuti Yohani, “lilinkuyoba kwa une, ‘Sĩmba, “Basayigwege a bafwe aba bikufwa mwa Ntwa. . .”” Ngimba ugwe kuyaga bulebule nkati? “Nu Mbepo yumoywene uswe tõsigwe mu Mbili.” ““ . . .aba bikufwa mwa Ntwa ukufuma apa ukubuka nkyeni; kabuno abēne bikutũsya ukufuma ku sukuliko syābo; kangi imbombo syābo nalõli sikubakõnga abēne.”” Hum!

Ikyo kyo iki Umwene ātũmĩle u Mbepo Mwikemo. O, busayigwa ubusisimikisye, Yeso yo gwāngu! Une ndi mwa Mwene, kangi Umwene ali mwa une; u Tāta mwa Umwene, kangi Umwene mwa Tāta; kangi u Tāta mwa une, kangi Une mwa Umwene.

. . . Yeso yo gwangu!

O, ko kugonjela-ngānĩla kuki ukwa lwimiko
Lwakyala!

Une ne gwakilingo gwa bupokĩgwe,
kyakũligwa kya Kyala,
Mpāpĩgwe mwa Mbepo Gwāke, akabalilo kākõ
nsukĩgwe mu Lilopa Lyāke.

Ameni. Une ngābagile ukukisanusania ikylene. O, mwe!

Gosa amabwe amapala na ma diamondi, na
siliva na golidi,
Inyambi Syake sīswile, Umwene ali ni fyũma
ifi fikayobigwa.

Kabuno une ne mwāna gwa Mwalafyale!
 Une ne mwāna gwa Mwalafyale!
 Na Yeso Mpoki gwangu,
 Kikumbela une ukuya mwāna gwa
 Mwalafyale!

¹⁴¹ Ameni na ameni. Une ngabagila ukusanusania ikyēne. Une ngabagila ukusanusania ikyēne. Une ndinago mabili pamo matatu a Masi- . . .

Polelo, apa lilipo i Lisimbo ilingi. Akabalilo kāko—akabalilo kāko ugwe gwīsusigwe na Mbepo Mwikemo, ikyo kyo findu ifi ugwe uli nafyo. Polelo ugwe uli fiki, ku kisu? Nhesya. Une mmenye ukwene kwilile, loli ukwene kukaya kwilile fiyo ku iki. Nhesya! O!

Uswe twe bendanjila kangu uswe tuli bahesya
 apa,
 Uswe tukulondalonda a Kaya aka kakwisa,
 U bwāto bwa būmi lululu bukwisa,
 Ukubūngania u Tubwe Twāke ku Kāya.

¹⁴² Une mbagile ukupilika ukunyāfuka kwa misi kula pa Kisōko Ohio, akabalilo kāko une nāli ndumiana nnini gwaiyolo, kifuki fyiya malongo-mabili-na-fibili mbukusi, ngwimba kila pala. Kangi une ndinkupilika, ndilinkukētela pamwanya pa une, kangi ndinkupilika i Lisyu, lilinkuti, “Keta mmwanya.” Apa pakwisa bula u Bwēlu ubunywāmu bwitūlike palapala ukukilania, bukwisa bukwēnda ukusuluka pamwanya pa une, kangu bulinkuti, “Mumo Yohani u Mōsi ātumigwe ukutalula ukwisa kwākwanda kwa Kristi, ugwe kuyaga ni Ndumi iyi yisakutalula u Kwisa kwakibili kwa Kristi.”

O, ngimba une nābagile ukwitika bulebule ikyene? Loli ikyene kyabonike itolo lulalula. Kangi ikilo iki imyoto gya lusasano gikupya ukusyungutila kangu ukusyungutila ikisu kya pasi. Ikikulumba ikitabuligwe i Kipanga kwa Kyala kyāliyīnwisye Kyēne ukufuma pa buyo bula, kangu ingulumba isasano sya bubūmbulusyo, ni fimanyilo, ni fiswigo, kangu ifika, fikunangisya panja u Kwisa.

¹⁴³ Ugwe gwe nhesya, kangu ugwe gwe nhesya. Ugwe kubomba ifindu ifihesya, ifikindanekindane ifi ugwe gwālisibīle ukubomba. Ugwe utukubombela bo mumo ugwe gwabombelaga. Abandu. . . U Mbepo Mwikemo, akabalilo kako Ikyene kikwisa pa ugwe, kangu ugwe kuyaga mwisusigwe na Mbepo Mwikemo, ugwe kusūla ifindu fya nkisu. Ugwe kusūla ifindu ifi fyābagile ukukutamia ugwe. Ugwe kukisūla ikyēne. Polelo ugwe kuyaga i—i kipeligwa, ikibōmbela-mbukīndāne, ilisekwa linyali, ku bene, akanīni aka ngwāsi aka kāpānjigwe pāsi pa kifūmbwa kya nguku; iki une nālūmbilile, *Kangi Akabalilo Kāko I Ngwāsi Yikufulugania Ikifūmbwa Kyāke*. Ugwe gwe kipeligwa ikiboneke-ikisekesye, ku bene.

Lōli, o, mwe, kufyūka u Nsebwe-unywāmu gwa Mwalafyāle! Amenī. O, ugwēne go Nsebwe-unywāmu ku Mwānya. Kangi une ngufyūka u Nsebwe-unywāmu gwa Mwalafyāle.

Bikuyoba, “Kēta yula umbunguluka-mwīkemo, lila ilisēkwa ilinyali. Yula yo yula undumbilili umbunguluka-mwīkemo.”

¹⁴⁴ Undumbilili yumo umfumuke gwaMethodisti alinkuyoba ku nnyambala umwisyugu, mu Louisville, alinkuti, “Une ngulonda ukuntula Nkundwe Billy, loli ugwe umenye ifi une mbagile ukubomba? Une angali ngufimbilisigwa uku tupula i likosi lyangu panja.” Ugwe utikufimbilisigwa ukutupula i likosi lyako kuli une.

Umwene ātupwile ubumi Bwāke pānja kuli une. Amenī! . . . ? . . . Ikwenda itolo pa Nsebwe gwa Mwalafyale, ikyo kyo kyosa. O, mwe! Nisusigwe na Mbepo Gwāke! Mbāpīgwe mwa Mbepo Gwāke! Nsukīgwe mu Lilopa Lyāke! Aleluya! Nsangalwike!

¹⁴⁵ Kangi polelo ikindu ikingi, fiki, ngimba fyo fiki fikukupela ugwe ukubomba ikyo? Ugwe ukāli uli mundu, loli kyo kiliku iki kukupela ugwe ukubomba ikyene? Yo nongwa yakuti ugwe kwisa, ugwe, Mbepo gwako ikufuma ku mwanya. Ikyene yo Kyala mwa ugwe.

¹⁴⁶ Akabalilo kāko une nābūkīle ku Roma, une nākētēsīsyē ukuti abēne, aligwesa, āli nu mbepo gwa kiRoma. Akabalilo kāko une nābūkīle ku Greece, abēne bōsa bāli nu mbepo gwa kiGriki. Une ndinkubūka ku England; abēne bōsa bāli nu mbepo gwa Kingereza. Akabalilo kāko ugwe kubūka amabuyo, ugwe kwāga . . . Polelo ugwe kwāga u mbepo gwa kiAmerica; ikyene kyo kibibi.

¹⁴⁷ Akabalilo kāko une nābūkīle nkati mu mbako sya San Angelo ku Roma, abēne bāli ni kimanyilo pamwanya pala, “Ngulamba, abakikulu ba kiMerika, fwala imyenda, ukugindika abafwe.” u mbepo gwa America.

Bakētēsya abēne bikusuluka ukufuma mu ndēge, kangi tula utwēnda utunīni bafwele, kangi aligwēsa ikubūka ukukēta ku bēne, kangī apa ikwisa Ndindwana America. Uyo yo mbepo gwa kiAmerica. Ugwe ubagile ukukindanisya kūko umwēne afumileko; afwēle mōsa, ndumiana, ikukwāba akanini akaiyolo akamapūngo-mu-mbulo akabwa ka pudu kunyuma kwāke. Uko ko kutalusya. O, ena, umwene yo . . . Umwene, umwene yo America, Ndindwana America; ikwenda pāsī, umwe mumenye, gwamatingo bo ulu. Fiki? Umwene alinagwe mbepo gwa Kimerika. Lōli Yeso alinkuti, Umwene ābikīle ubuketi ukulwana ni kyene ilisiki lila, Umwene alinkuti, “Ugwe ufumile ku kīsu iki pāsī. Une ne mfuma ku Mwanya.”

Kangi linga ugwe uli na Mbepo gwa Kristi mwa ugwe, ugwe ufumile ku Mwanya, polelo ugwe uli nhesya kuno.

¹⁴⁸ Loli ugwe uli ni kipeligwa kya buyo ubu ugwe ufumileko. Ikyo kyo iki une ngugela ukuyoba. Ugwa kiRoma ikwisa kuno, umwene ikwikāsula muntu gwake; kangi um’Jeremani ikwisa kuno; gwaMerika ikubuka kula. Fiki? Ugwe uli ni mbepo sya fisu fila ugwe kufumilako.

Ikyo kyo kikupela uswe ukuya bakīndāne fiyo ku kīsu. Ugwe ufumile ku Mwanya. Ugwe upāpīgwe. Ugwe gwe—ugwe gwe mpāpiligwe gwa Kitangalala ikingi. Ugwe kwitika ikyene? Ikyo kyo iki u Mbepo Mwikemo ali, ko kutendeka ugwe ukuya mpāpiligwe gwa Kitangalala kya Kyala.

¹⁴⁹ Polelo, linga ugwe uli mpapiligwe gwa Kitangalala kya Kyala, ngimba Ikyene kikukupela ugwe ukubomba bulebule? Bo yu Kyala ikubomba mu Kitangalala Kyake. Lilino, ngimba Kyala ikubomba fiki mu Kitangalala Kyake? Ikyene kyo bugolofu, ubwikemo, ubwifyusi bwa linogono, ubwifyusi bwa linogonelo; Maka nu lugano, lukubuka ku bayōnge, ukubumbulusya ababine, ukubōmba ifika, ukubomba ifindu ifikulumba. Polelo, ku kīsu ugwe kukētigwa nsyutano, kangi abēne bikuyoba, “Abamiana bala bali panja pa ntu gwābo.” Muketile? Loli ugwe guli mwīlima gwa Kitangalala.

¹⁵⁰ Ili Lisimbo limolyēne ilyakongelelāpo, linga umwe mukulōnda ukusimba ilyēne pāsi, Yohani 12:24. Unko une nāndisye ilyēne kwa umwe nakalinga itolo. Yeso āyobīle:

. . .linga *ikilombe kya ngano* kikugwa *mu mfu* . . . pene papo ikyene kikufwa, ikyene kikabagila ukutwala panja u bumi ubungi.

Lilino, kēta, kumokwēne ukuyobelapo kwakwīgalila lilino. Kangi kumbukilāga, polelo, ikyēne kyo naloliloli . . . Lilino, kwa umwe bāndu, ikyēne kyo naloliloli kyākulōndīgwa kangi kikulōndīgwa, kangi kwakufimbilisya kangi kyakufimbilisigwa, ukuti ugwe gwāmbilile u Mbepo Mwikēmo lilino. Kabuno, linga ugwe utikubōmba, ugwe ukabagila ukwīsa mu busyuke. Lilino kētésya. Kyala akabagila ukubongotola indagilo Syāke. Uswe tumenye ikyo. Umwene ikukōngésya indagilo Syāke.

¹⁵¹ Lilino, i—i mbeyu ya ngano, pamo kilombe, uswe tukwegaga, bo yu Yeso āyobīle pala. Ena, i—i kilōmbe, mwi Bāngēli, une nābālāga itolo ikyēne umwīsyūgu, kikūsōsōla ku liluba pamo uluko lulilōsa lwa mbeyu, lōli, ngano, bārale, kilombe, pamo kalikōsa, ikyēne kyo kilōmbe. Lōli akabalilo kāko ikilombe kya ngano kikugwa mu mfu, lilino, kilipo . . . Twesa ba uswe apa tukētīle, tumenye iki kikuboneka. Ikilombe kya ngano, pamo imbeyu ya kilombe, yibagile ukuboneka ukuya mbupelelesye mumo iyene yibagile ukuya, kangi ugwe kukibika ikyene mumfu, kangi linga ikilombe kila . . .

Ikyēne kili nu būmi busitakumalika. Ikyēne kisakubūka pāsi umwīsyūgu, ikwibāsya kyēne mu lupīfwa; kangi ukwīsa ukugomokela ukusuluka, kangi ukufyūka mmwanya kāngi;

kangi ukugomokela kunyuma kāngi. Ikyēne kyo būmi ubusitakumalika.

Linga ikilōmbe kila kikaya ni mbeyu ya būmi mu kyēne, kāli ikyēne kikuboneka kimogi bulebule, ikyēne kitisakusyūkāmo siku. Ikyene kikubukaga ku mfu nukubola, kangi ikyo kyo kyene. Kiyabo kya kyēne, i fīndu, kibagile ukubōmbeligwa kuli imboto ni fīndu nkati mu mfu. Lōli ukufwana nukuti ikyēne siku ukuyamo nu būmi kāngi, ikyēne kitisamo siku ukuya nu būmi pene pāpo ikyēne kilinabo ubūmi bwakukīndilila mu kyēne. Aligwesa amenye ikyo. Ugwe itolo ukabagila.

¹⁵² Pabagile ukuyapo unnyāmbāla babili, yumo mwa bēne itolo katikati, bosa-babili ba abēne itolo bafwenefwene. Yumo mwa bene abagile ukuya nnyambala unnunu, umwene abagile ukubomba imbombo inunu, umwene abagile ukubomba fyosa bo ifyo; loli péne pápo u mundu yula ali nu Bumi Bwasyepwa mwa umwene, umwene atisakusyukamo siku mu busyuke. Umwene akabagila ukubomba ikyene; kikayapo nakimo pala ukusumusya. Kikayapo nakimo ikyakuntwala umwene mmwanya, pakayapo u Bumi. Polelo, ugwe uketile, nkundwe gwangu umpala, kalumbu gwangu umpala, péne pápo u mundu apapigwege kangi, umwene akabagila mu njila nayimo ukugomokela mu Kitangalala iki. Umwene akabagila. “Pene pápo i Kilombe kya ngano iyi yikugwa mu mfu kangi yikufwa.” Umwene āyobága isya Mwene. Lōli Umwēne āli, komma ubūmi ubwakukīndilila, Umwēne āli nu Būmi Bwasyēpwa; kangi u Bumi Umwene apele kwa ugwe, ukuti ugwe ubagile ukuya nu luko lulalula ulwa Bumi.

¹⁵³ Lilino, linga ugwe uli nabo itolo u būmi bwa būndu, ubwakufwana ukūkwendesya ugwe ukusyungutila nu kunyonywa, “Umwēne uyu ikwitūgala mbwinoge yo mfwāno bo akāli mūmi,” ugwe ukabagila ukufyūka. Ugwe ubagile ukuya ndīndwāna umfumuke ukukīnda mu sukulu, ugwe ubagile ukuya ndīndwāna umfumuke ukukīnda ku lukino lwa makadi lwa bupalamani bwāko, ugwe ubagile ukuya nkīkūlu umfwīkīgwe ukukīnda-bōsa nkīsu, ugwe ubagile ukuya mmogi ukukīndabōsa, ugwe ubagile ukuya njēngigwa unkīndabōsa, ugwe ubagile ukuya kifwani ku ndumego, ugwe ubagile ukuya fyosa ifindu ifi, ifi, ifyo fyo finunu, loli, Kalumbu, pene papo ugwe ulinagwe Mbepo Mwikemo mwa ugwe, uyu yo Bumi Bwāsyēpwa, ku bumalikisyo bwa nsebwe ugu ugwe umalike.

Kangi une ndikupāsyā iki ugwe kuboneka ngati pamo mūmo ifīndu ifi fiyīlile, pamo mūmo ugwe uyīlile ubusitabufumuke pamo ubufumuke, mūmo uyīlile ubumogi pamo ubunyali bulebule, linga ugwe uli nabo u Būmi Bwāsyēpwa, *Kula* ugwe kwisakwitūgala kwa bwilanabwila kangi bwilanabwila.

¹⁵⁴ Akabalilo kāko u mwēsi ni ndōndwa fikīndīle, kangi ikīsu kikūtile kyēne nkati mfyāmba kangi mululāngalānga,

kangi kilikyōsa kili, kikaya, ikyēne kikayapo kangi'mma, kangi ikīsu kikupepeluka ngati nnyāmbala ungāle ikwīsa kukāya pa kilo, kangi indōndwa sikukana ukumulika, nukugwa ukufuma kumwanya, kangi u mwēsi gikusanuka ukuya lilopa, kangi i—i lisuba likuya ni soni nukufisa ikisyo kyake, akabalilo kako ifyene fikumbona u Mwanundumiana gwa mundu ikwisa, ugwe kwisakumulikaga mbugolofu bwa Yeso Kristi, ukusōka panja ukufuma ku lipūmba ukuya nkīkūlu unkeke, ummogi, kukwēga u ngānigwa gwāko, nukwitūgāla kwa bwilanabwila na bwilanabwila na bwilanabwila, kangi ingulilo syōsa i Syasyēpwa ugwe kwisakuyaga gwābūmi. Ikyo kyo iki u Mbepo Mwikemo apēgwigwe.

Linga ugwe kwipilika ukukwābigwa pabunini fīyo, komma ukukupika Ikyēne.

¹⁵⁵ Ngimba u Mbepo Mwikemo yo fiki? Kyala mwa ugwe. Ngimba Ikyene kyo fiki? Ukukīndilīla imbombo Yāke pakati pa bāndu Bāke; ukutwāla i Kipanga Kyāke palikimo, ukutwala i Kipanga mbuyo mu lisiku ili, kubutali ukukinda aba Luteri, Methodisti, na baPentekosti, mbuyo ku bufwikigwe kangi ipyāna Lyakunyakiligwa. Ukuti, akabalilo kako ikiyabo iki kya Kipanga, akabalilo kako u Mbepo ikwendendeka mu Kipanga iki apa, ikyene kikufyukaga itolo; kangi ikyēne kisakutwālāga pānja, ukutwāla panja bōsa aba batabuligwe aba bapalamāsīsyē u Mbepo yula.

Bala a baLuteri aba bālīmīle pala nu bwēlu bōsa ubu abēne bālī nabo, mu bwitikisigwe; aba Methodisti bala aba bāgwīle pa kipālo, kangi abēne basopīle amisi nkisyo kyābo, ukufuma kwa Mbepo ukutika abēne ukwisila mbukemesigwe; bala a baPentekosti, ukuti abēne bālyēndīle ukufyūka-nu-kusuluka u lukīndi nukubabilikila abēne “ndimi-ku-libagaya,” kangi, o, “bayoba-mbibimbibi,” kangi “mu njobelo ya lisēkwa,” kangi fyōsa fya ikyo; abene bisakwimaga mu bugolofu, mbuketelo bwa Kyala ku Lisiku lila, itolo ukuya nsisimikisyo bo i Bāngēli ili limile apa. Linga umwe mukunyitika une ukuya mbōmbi... Umwe mukungolela une nsololi Gwake; une ndikwikolela nimwene ikyo mma. Loli, umwe pilikisya, une ngubabula umwe mu Ngamu ya Ntwa. Bala aba bālī mwa Kristi isa Kyala ukutwalaga nu Mwene pa Kwisa Kwāke, ku busyuke, kangi bene babo bālī mwa Kristi.

¹⁵⁶ Ngimba uswe tukwisa bulebule mwa Kristi, bakamu?

“Ni kimanyisyo kimokyene uswe twesa tulungisigwe nkati”? Umma.

“Nu kuponania kwa kiboko kumokwēne uswe tukwābiligwe nkati”? Umma.

“Ukwisila mmisi gamogene uswe twesa tōsigwe nkati”? Umma.

Pamo, “Ni kipanga-kipāgúke kimo uswe twesa tupāgwíke mula”? Umma.

Loli, “Ukwisila . . .” Bakorinti Bakwanda 12:13, “Ukwisila mwa Mbepo yumoywene,” u Mbepo Mwikemo, Mbepo gwa Kyala, “uswe twesa tuli . . .” Methodisti, Baptisti, Luteri, Presbeteri, “Enda mu Lumuli, mūmo Umwēne ali mu Lumuli, uswe tuli nu bulilansi yumo nu nnine, kangi i Lilopa Iya Yeso Kristi, u Mwanundumiana gwa Kyala, likutusūka uswe ku busitabugolofu bōsa.” “Ukwisila mwa Mbepo yumo uswe twesa tōsígwe mu Mbili gumogwene, kangi tūtēndekígwe balilansi ba ipyāna Lyāke.”

¹⁵⁷ Ugwe ukabagila ukubuka ku Bulongi. “Umwene uyu ikupilika a Masyu Gangu kangi ikwitika.” Nayumo umundu abagile ukwitika mpaka umwene alinagwe Mbepo Mwikemo. “Kangi nukummwitika Umwene uyu ālindūmíle Une,” akabalilo kāko u Mbepo Mwikemo abīkíle ubuketi bwa busyūke Bwake. “Ali nu Bumi Bwasyepwa, kangi atisakwisamo siku mu bulongi, loli akilenie ukufuma ku bufwe ukubuka ku Bumi.” Fiki? Ugwe utisakukolamo siku u Bulongi. Ugwe utisakwīmāmo siku ku Kikota i Kyelu ku bulongi.

Ugwe kwagana nu bulongi bwako papapa apa. Ugwe ukilēnie ukufuma ku bulōngi akabalilo kāko ugwe ukilēnie kangi kuyoba, “Une ngaya nnunu nakamo, kangi ubumanyili bwāngu bukaya bununu mma. Ntwa, isaga mwa une, nukunyega une nukundongosya une, Ntwa. Une ndikupasya iki ikisu kyapasi ikyafigili iki kikuyoba. Ndōngósya une, Ntwa, nu Mbepo Gwako.” Ugwe ulōngile akabalilo kala. Longa gwimwene ukuya ntoyofu gwa Kristi, kangi, mu bugolofu Bwāke, i Lisiku lila uswe twisakwima kisitakufwa mu bufwāne Bwāke.

¹⁵⁸ Injila yimoyene itolo. Bulebule? “Nu Mbepo yumoywene uswe twesa tōsígwe mu Mbili gumogwene.” Kangi akabalilo kako ugwe uli mu Mbili gula, ubulongi butalile bulongile u Mbili gula, kangi umwe mumwítike Umwēne ukuya kyakuhōmba kya butulwanongwa bwāko.

Ugwe kuyoba, “Une mbombile ikyo, Nkundwe Branham.”

Polelo, linga u Mbepo Mwikemo agomokile nukukupapa ugwe ikifūngilo ukuya kimanyilo, u Mbepo yula ikukutwala ugwe mu Mbili gwa Kristi. Ugwe kusanuka ukugomokela injila iyingi, kangi ugwe gwe kipeligwa ikipya mwa Kristi Yeso. “Ugwe ukilēnie ukufuma ku bufwe ukubuka ku Būmi. Ifindu ifikúlu fibūkíle, kangi ugwe uli mpya mwa Kristi!” Ameni!

¹⁵⁹ O, ngulamba, unko une mbapepēkēge umwe, nkundwe gwangu Nkristi pamo kalumbu. Komma ukwitikisya ulusasanio ulu lukukindege ugwe. Ugwe kufimbilisigwa ukwambilila Mbepo Mwikemo. Ngimba Ikyene kyo fiki? U Mbepo gwa Kyala. Ngimba Ikyēne kyāli kya fiki? Ukulōngósya ugwe, ukulōngolela

ugwe, ukukwīsusya ugwe, ukukukēmēsya ugwe, ukukubilikila ugwe pānja, ukubūka n’Kipānga.

Ngimba i kipanga kyo fiki, ngimba i lisyu *kipānga* likusanusya fiki? “Bakōlelīgwa panja, bapāgulīgwe.” O, mumo une nābagīle ukwega u bulumbilili ukufuma ku ikyo lululu lilino! “Bakōlelīgwe pānja, bapāgulīgwe,” bahēsya, kubutali ni kīsu, bendanjila kangī bahēsya, ukufumusya ukuti uswe tukaya nako apa na kaya akapakisu aka uswe tukunyonywa ukwitugasyamo. O, mwe!

¹⁶⁰ Bo Abraham, na Isaki, na Yākobo, bēmbelaga, ukwītugasyā mu fihēma nkīsu. Abēne bikufumusya abēne bāli bendanjila kangī bahēsya, imbeyu ya mwingilakilingo, u mwingilakilingo kunyuma kula; u tāta, u mwingilakilingo. Uswe tuli mbeyu syābo. “Kangī abēne bālondeyāga a Kāya Kāko u Njengi nu Mtēndeki āli Kyala.” Amenī. Abēne bālondeyāga.

¹⁶¹ Kangī, umwīsuyūgu, imbeyu yābo yikāli yikulōndēsya a Kāya akākūsa, bikuyoba, “Une ndikulonda ukuya gwakufwanikisya ku kisu iki. Une ndikulonda nakimo ikya kubomba ni kisu iki. Une ngulonda, une ngulondalonda a Kāya aka kayengigwe nu lwalo ulupelelesye. Une ngulōndēsya a Kāya aka kali nu Būmi Bwāsyēpwa, kūko ilisuba litisakwīngilamo siku, kūko kutisakuyamo siku ubukāngāle, kūko kutisakuyamo siku ubufwīlwe pa kiboko kya kifigo, pamo ilipūmba pa lubafu lwa kām̄ba. Une ngulōnda a Kāya kala, Yūyo Njengi nu Mtēndeki, gwa Kyala.”

¹⁶² Yilipo i njila yimoyene itolo ukukāga akēne. “Lyālipo pala Ībwe ilikēkigwe ukufuma ku kyāmba, kisita maboko, ili lyābungulwīke ukubuka nkīsu nukupūsānia ikyēne mōsa, kangī ikyēne kilinkūsa ukuya ngati ngano. . . pamo amakāndi pa kipālo kyakupētēla.” Unko Ībwe lila, u Kristi Yeso; lila Ībwe-lyakutabania ku kisu, Ībwe lya lusāmbūlo, Ībwe-lyakusekīgwa, ilyālābwe-ilyakutabania ku kipānga; lōli ilipala kangī Ibwe-ilipala ku mwītiki, Ībwe lya busisimikisyo, Ībwe lya butusyo. O, mwe!

Ngutusya! Une mmenye ukuti une ngindile ukufuma ku bufwe ukubuka ku Bumi. Umoyo gwangu guli pa butusyo. O! “Isaga kwa Une mwesa mwe mukusukulika kangī muli nu nsigo unsito, kangī Une ngubapaga umwe u butusyo ku moyo gwinu gosa.” “I—i kimanyilo iki kibagile ukuya kiyobīgwe ububībi,” alinkuyoba u—u nsololi kwa Mariya. Ikyēne kisakuyaga kimanyilo, naloli, ikyēne kisakuyaga. Lōli Ikyēne kisakuyaga busisimikisi. Ikyēne kisakuyaga lugano. Ikyēne kisakuyaga bwikutisīgwe. Ikyēne kisakuyaga kindukimo iki ugwe mmenye ugwe ukindile ukufuma ku bufwe ukubuka ku Bumi.

¹⁶³ Nkundwe gwangu, kalumbu gwangu; ukuya nkundwe gwinu, ukuya gwambombo gwinu mwa Kristi, unko une

mbapepekege umwe, ukuya ndumbula yangu yosa. Komma umwe ukwītikisya iki kibūkege ukukilania pamwanya pa mutu gwīnu, pamo ukubūka ukukīsània umwe, pamo pāsi pa umwe. Ambilila Ikyēne mu ndumbula yāko, kangī ugwe kuyaga mūndu nhoboke pa kīsu.

Une ndikukufinga ugwe kuyaga na madola maelifuelifu. Umma, nkulumba. Nkundwe Leo, une ngwinogona kulipo kwīngi fiyo fya ikyo kifingīgwe lilino, “maelifu-elifu ga madola,” ifindu ifi abakindanekindane bala bāyobile. “Linga ugwe gwabagīle ukuya Nkristi, ugwe āngali kukaba amadola maelifuelifu-elifu kangī ugwe kuyaga nnyambala nkabi.” Une ndikukufingila ugwe nakimo.

Une ngubafinga umwe iki, ikindu kyene iki une mbagile ukufinga kwa ugwe: ubupoki Bwake. Ilipyana Lyake lifwene pa lugelo lulibosa. Abāndu pa Pentekosti, abēne bakālōndīlēmo na iki abēne bāli nakyo. Lilino yoba isya bakabi maelifu-elifu? Abēne bakālōndīle mma iki abēne bāli nakyo, Kalumbu Angie.

¹⁶⁴ Une ngulonda ukukupilika ugwe kangī Gertie ukwimba, limo mwa masiku aga (Ko kūgu umwene aliko?), *Undungu Gwa Kwisilakukaya*, limo mwa masiku aga. Bingi ba abēne babōmbile bakilenie umpaka ukufuma kabalilo kala. O, mwe!

Abēne bakāsūmīle ifīndu ifikulumba. Abēne bakasūmīle i hela. Fiki, Peteri alinkuti, “Siliva na sahabu une ngaya nayo nakamo, lōli bo iki une ndinakyo, une ngukupāga ikyēne kwa ugwe.”

Kangī une nguyoba ikyo ikilo iki, binangu. U buhobofu, u lugano, u busisimikisyo, ubu une ndinabo mwa Kristi kangī ubusyūke Bwāke, bo iki une ndinakyo, une ngukukupā kwa ugwe; Une ngubapa umwe, ukuya bana ba Kyala.

Kangī ugwe kwisa nukusyala pa kippingika linga Kyala akukōlīle ugwe, kangī komma ugwe ukusumuka. Akabalilo kako ugwe kwisa kilabo nkilo, ugwe kwisa pamo ukwingila nkati muno nukusyala mpaka ikyene kimalike, pamo isaga kuno kangī uswe tukuyaga pakwīpūta nukwāla amaboko pa ugwe. Būka . . . Ulo lo lubātiko lwa i Bāngēli, bīka amaboko pa bēne kuli Mbepo Mwikemo. Kangī polelo uswe tukubuka, ugwe būka ku kāya kāko . . . Linga ugwe kusyāla papapo apo, linga ugwe kusyāla ikilo kyōsa, ukusyāla ilisiku ilikōnge, ukusyāla ilisiku ilikōnge, ukusyāla ukukīndilila amasiku gabutūsyo, ukusyāla mpaka ilyakwānda lya kyīnja, kangī syāla kīndililaga, syāla mpaka.

¹⁶⁵ Ikyo, kilikyosa iki uswe tukulagīla ukufwana kilabo nkilo, ukubanangisya umwe mwi Bangeli iki kikufimbilisigwa ukwisa, kisakwisaga. Kangī akabalilo kāko Ikyēne kikwisa, polelo gikayako imisyētāno igi gikufwāna mbukubīlwo . . . Ugwe umenye ugwe ukilenie ukufuma ku bufwe ukubuka ku Būmi.

Ugwe gwe kipeligwa ikipya mwa Kristi Yeso. Amabangala ga buhofu ga Kumwanya gisakukuba.

¹⁶⁶ Nkundwe Othal, une ngukubūla ugwe, ikyēne itolo kikukubika ugwe pakwāk'umoto. Umwēne yo ndumiana ugwaiyolo itūgēsye apa, u nkūndwe ugwaiyolo ugwa une, uyu āli gwa kibugutila kya bahīyi ikwēnda ni ndusu pa lubafu lwāke, ikulōndesya u mūndu ukusyūngutila i nguto, umunduyumo ukupufula amabōngo gābo pānja. Kangi fiki fyābonike? Ilisiku limo umwēne alinkukēta nukwītika ku Būmi. Kangi umwēne alinkwēnda nkyēni. Umwēne alinkukōnga ingomano syāngu. Kangi umiāna umpelakisa, kisita nakyo nakimo ikyakufwāna ukulya, kangi ālāmbalalāga nukugona ndisu pa lubafu lwa kihema, ali ni njala kangi ikūmilwa. Kangi ilisiku limo u Mbepo Mwikemo isile. O, nkundwe gwangu, ikyene kyakusanwisye ugwe, bule ikyēne? Ikyēne kyātwele u Būmi, kangi kyālyēgile ubufwe ukusōsyāpo. Ulubēngo lulinkusōkāpo, kangi ulugano lulinkwīngilamo. O, mwe! Ubulugu nu bwīte fyōsa filinkūgwa; u Būmi ubupya bukwīsa nkati.

Keta kuno ku abangi ukubāsania na abāngi, abangi ukubāsania na abāngi, kangi ukusōka ukukīnda pala. O, amabangala ga buhofu ga ku Mwanya gikukuba! Binangu, yikayapo i njila nayimo kuli une ukuyioba ikyene.

¹⁶⁷ Pilikisya, ukuti une mbagīle ukukileka iki, linga ugwe gwītike ubukēti bwāngu, ukuya mbōmbi gwa Kristi, kangi ngelīle ukubanangisya umwe ukufuma ku i Bangeli lya Kyala ikyene kyo kitalusye. Kangi linga amasyu gangu gikuboneka ngati agene gabagile ukuya itolo mahesya panini ukufwana na iki, kēta ku kifwani kila nkisu kyasayansi. Kētēsya i kipaso, ukuti i Mbanda ya Moto iyi yalōngolīle a Bāna ba Israeli, kētēsya i kipaso Ikyene kikupāpa. Kēta iki Ikyene kikubomba, iki Ikyene kikukubūla.

Ikyēne kikaya une uyu ikuyoba; ikyēne yo Mwēne uyu ikuyoba ukwisila mwa umwe, umwe muketile. Ngaya yo une uyu ikuketita imboniboni; ikyene yo Mwene uyu ikuyoba ukwisila mwa ugwe. Ikyene kikaya yo une uyu ikubumbulusya ababine; ikyene yo Mwene uyu ali mwa ugwe, ikubumbulusya ababine. Ikyēne kikaya une uyu ikulūmbilila; une ne gwakunyuma gwalutende, kangi ngubopa ku lilalila ilīnogono, lōli ikyēne yo Mwēne uyu ikuyobela ukukīndamo. Une ngamanya i Lisyu; loli Umwene amenye Ilyene. Ikyo kyo kyene. Ikyo kyo kyene. Ikyo kyo iki ikyene kili.

Kangi pala Umwene alipo. Kangi u Gwandumi yulayula ugwa Kyala ali papapa apa mu nyumba iyi ikilo iki. O, mumo une nunganiile Umwene!

¹⁶⁸ Lilino balinga bikulonda ukwambilila u Mbepo Mwikemo? Ega ubupime bwa bumi bwitu. Balinga bakālyāmbilīle Ikyene, kangi bikulonda? Fyusya ikiboko kyako, yoba, “Nkundwe

Branham, ubusolofu bwa ndumbula yangu, une ngulonda ukwambilila Mbepo Mwikemo.” Kyala akusaye ugwe, kulikosa.

¹⁶⁹ Balinga ba umwe mwe mwāmbilile Ikyene, kangi mukulonda ukubuka bo abene bābombile ku Imbombo 4, kangi yoba, “O Ntwa, O Ntwa, golosya pānja ikiboko Kyāko ukubūmbulusya, nukunāngīsyā ifimanyilo ni fiswīgo mu Ngamu ya Mwana Gwāko umwīkēmo Yeso, kangi mbapo une ubukifu nu lugano, ukuyoba, kangi ulwisusyo ulupya”? Ena, apa kilipo kyangu, nīne. Kyala, mbapo Ikyene kwa une.

Unko uswe twinamisye imitu gyitu, mu bwanaloli-ndumbula ubwa busolofu ukukinda, umundu aligwesa akolelile ikinyonywo kyako mu ndumbula yako.

¹⁷⁰ Ntwa Yeso, uswe tukwīgāla ukukomana ukunini uku ikilo iki, ukufuma pa bulilanisi ukusyungutila i Lisyu na Mbepo Mwikemo. Mumo Umwene atusayile uswe nukonelela panja mu ndumbula syitu amafuta ga Lisyu Lyake! Abēne bo balūmbilili, abēne bo nyāmbāla apa aba bāli njila syōsa isya būmi, aba bōnjile nukukēta u Ntwa yo nnunu. Uswe tumenye iki u Mbepo Mwikemo ali lilino, ulufingo lwa Kyala. Ukyēne bo Bumi bwa Syepwa ku bandu bingi aba bikwitika.


¹⁷¹ Kangi uswe tumenye ukuti u Mbepo Mwikemo aali yo Mbepo gwa Yeso Kristi aatumile ukugomokela, kangi Umwene ali mwa uswe umwisyugu. Mumo Kyala āli pamwanya pa uswe, mu Mbanda ya Moto yila; polelo Umwene alinkwenda na uswe, mu . . . u mbili ugu gwākoleligwāga *Imanueli*, “Kyala na uswe”; kangi lilino Umwene ali mwa uswe, ukwisila mwa Mbepo Mwikemo, Kyala mwa uswe. O!

Yeso aatile, “Pisiku lila umwe mwisakumanya ukuti Une ndi mwa Tata, kangi umwe muli mwa Une, kangi Une ndi mwa umwe. Umwe mwisakupilikisya ikyēne ilisiku lila. Panongwa yakuti, umwe muli nkisu kya ngisi, bo ukuyoba, lilino, loli pisiku lila umwe mwisakupilikisya.”

¹⁷² Tāta, ikyēne kikābagile ukutēndekigwa kyāpabwēlu kangi kipēlelesye, panongwa yakuti polelo uswe āngāli tukaya nakyo nakimo ikyākuyila nu lwītiko. Lōli imbombo syōsa isya Kyala sikulagililigwa nu lwītiko. Kangi nu lwitiko mu Lisyu Lyako, ubuketi bwa Mbepo Mwikemo ukuti uswe tumenye lilino, une ngusūma ukuti u moyo guligōsa ugwanjala nkati mūno gwisakwīsusīgwa na Mbepo Mwikēmo. Bala bābo bakalinakyo Ikyene, kangi bikuya ni njala ku Kyene, itolo kumbukilaga . . . Uswe tubagile ukuyoba ku bene, Ntwa, bo ulu Ugwe gwāyobile, “Nsayigwa gwe ugwe akabalilo kāko uli ni njala ni kyūmīlwa. Ugwe kwisakuyaga mwisusigwe.” Ulo lo lufingo. Kangi ulwēne lusayigwe ukuya ni njala. Ugwe gwe nsayigwa nukumanya ukuti Kyala āyobile kwa ugwe, kabuno Ilyene lilinkuti, “Nayumo umundu abagile ukwisa ku Myangu penepapo Tata Gwangu ikunkwaba umwene.”

¹⁷³ Kangi, Ntwa, bala bābo bali basikali baiyolo apa, abēne babikile mmwanya amaboko gābo. Une nāli nago mmwanya agāngu. O Ntwa, tupapo uswe a maka, tupapo uswe a Maka ukugolola panja ikiboko kya Mwāna Gwako umwīkēmo Yeso, ukuti ifimanyilo ni fiswigo fibagile ukubōmbigwa, ukuti ubwēne bubagile ukuya butumigwe ubusolofupo, ikindu ikikulumbapo ukukinda iki kibonekemo siku mpaka na lino. Tupapo uswe ubukifu nu lugano, ukuyoba ku bandu. Tupaga ikylene, Ntwa. Yaga na uswe mu findu fyosa, uswe tukusuma mu Ngamu ya Yeso.

¹⁷⁴ Kangi kilabo nkilo, Ntwa, apene pali isaga pala u mbelo ugwamaka umbopabopa, ukugwa mu nyumba iyi, ukuti ikyēne kisakuyaga itolo bo i Lisiku ilingi lya Pentekosti. Ulwalo lwāligwe. Kilikyosa kitendekesigwe. Ingambako sigogigwe, ingwāta indupano sigogigwe, ing'osi inyāmbala sigogigwe; i mesa yitēdekigwe, abahesya babilikigwe. O Ntwa, tuma u lusekelo lwa jubilii lwa Pentekosti, kilabo nkilo, ukwingila mu nyumba iyi, kangi isuya umoyo guligosa nu losyo lwa Mbepo Mwikemo. Tupaga ikylene, Tata. Uswe tukusuma ikylene, mu Ngamu ya Yeso. Ameni.

Uswe twisakumanyila ifindu fingi,
 Uswe twisakuya ni lipāngo ili litēdekigwe
 ukufuma ku golidi,
 Lumo isambo elifu yumo;
 Uswe tukwimbaga nukuywega nukumoga
 palipōsa,
 U Kang'osi isakutufyūlaga amasosi gitu;
 Uswe twisakuya nu ndungu gumo unkulumba
 ugwakwisila kukaya,
 Ifyinja fyākwānda maelifu kalongo. (Ameni!)
 I Lilopa ilipala lya Mwanundumiana gwa
 Kyala Mwene lisukile nu kukemesya
 Abaswīgisyē abāndu ku Ngamu Yāke kangi
 abēne bikukōleligwa Nsingiligwa.
 Palema nalinga apa bakanigwe kangi
 bafuyuligwe, ilisiku limo u Ntwa isakutwala
 Bala abasaligwa bala nkati nkipata, kangi ikyo
 kyo kya ntengo gwafilifyosa. 

59-1217 Ngimba U Mbepo Mwĩkèmo Āpēgigwe Kuli Fiki?
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org